

四庫全書

子部

欽定四庫全書

子部

御定淵鑑類函卷一百九十二

詳校官內閣學士臣莊圖

主事臣祁韻士覆勘

總校官檢討臣何思鈞

校對官編修臣沈清藻

謄錄監生臣李世麟

欽定四庫全書

御定淵鑑類函卷一百九十一

樂部

八鐘

鐸

磬

鼓

缶

祝敔

拍板

角

觥篥

鐘

原釋名曰鐘空也空內受氣多故聲大 增說文曰鐘

秋分之音物種成也 原古今樂錄曰凡金為樂器有

六皆鐘之類也曰鐘曰鐸曰鐸音曰鐃音曰鐃反曰

鐸反大各鐸如鐘而大鐸鐸于也圓如椎頭上天下小所

謂金鐸和鼓也。鐸鉦也。形如小鐘。軍行為鼓節。鐃如鈴

而無舌有柄而執之。鐃如大鈴。古鐘名有大林之鐘。見

語景鐘。見管子九龍之鐘。見淮南子十龍之鐘。見賈千石之鐘

見說苑及相如上林賦增又有博山鐘。見西飛廉鐘。趙張珍所

中儀鐘。後魏官架四箱衡鐘。文獻通考江左黃鐘之宮

啞鐘。玉海隋用黃鐘一宮惟擊七鐘五鐘設金鐘。又曰

觀六年正月造金鐘專用於明堂原爾雅曰大鐘謂之鏞。其中謂之

剽小者謂之棧。周禮曰鳧氏為鐘。兩藥謂之鈇。鄭玄

夾鐘也生於房心之氣為大辰天帝之明堂函鐘林鐘也生於未之氣坤位或曰天社黃鐘生於虛危之氣為宗廟以此三者為宮用聲類求之天宮夾鐘地宮林鐘人宮黃鐘凡五聲宮之所生濁者為角清者為徵羽此樂無商者祭尚柔商堅剛也

原尚書大傳曰天子左五鐘右五鐘

五經通義曰秋分之音也 樂叶圖徵曰鐘有九乳

三禮圖曰凡鐘十六枚同為一簏簏為編鐘特懸者

謂之罇

音博

增史記樂毅書曰大呂陳於元英

索隱曰齊鐘名

原白虎通曰鐘之為言動也陰氣用事萬物動成

增淮南子曰孟秋之日西館御女白色白綵撞白鐘是

書樂作樂杜子春鈇間謂之于于上謂之鼓鼓上謂之云鈇鐘口兩角也

鈇上謂之舞

此四者鐘體也鄭司農云於鐘唇之上祛鼓所擊處

鐘懸謂之旋

旋蟲謂之幹

旋屬鐘柄所以懸也鄭司農云旋蟲者旋以蟲為飾也元謂今之旋有蹲熊盤龍辟

邪之蟲

鐘帶謂之篆篆間謂之枚枚間謂之景

帶所以分其名鄭司

農云枚鐘乳也

增春官大司樂凡樂圜鐘為宮黃鐘為角大

簇為徵姑洗為羽冬日至於圜丘奏之凡函鐘為宮太

簇為角姑洗為徵南呂為羽夏日至於方丘奏之黃鐘

為宮大呂為角太簇為徵應鐘為羽於宗廟奏之

注曰圜鐘

為之武
舞器

金鐃

用以止鼓與金鉦俱為武舞器

單鐸

雙鐸

用以振武舞兩鐸通一柄

者號曰
雙鐸

鐘二

增呂氏春秋曰黃帝命伶倫鑄十二鐘和五音傳曰黃

帝命伶倫與營援作十二鐘

原世本曰倕作鐘

又山海經

曰鼓延為鐘

增冊府元龜曰高辛氏使鼓人拊鞀擊鐘鳳

凰鼓翼而舞

玉海曰周成王分康叔以大呂唐叔以

姑洗

文獻通考曰漢成帝時犍為郡於水濱得古鐘

也 唐會要曰古制雅樂宮懸之下編鐘四架十六口
近代用二十四正聲十二陪聲十二各有律呂凡二十
四聲登歌一架亦二十四鐘 宋陳氏樂書曰樂器待

律然後制而律度又待鐘然後生故有十三辰之鐘以

應十二月之律十二辰之鐘大鐘也大鐘特懸詩書爾

雅所謂鏞是也非十二辰之鐘則編焉周禮所謂編鐘

是也 又曰元鑄鐘宮懸之樂十二簏三鐘制視編鐘

而大依十二辰位特縣之亦號辰鐘編鐘又有金鎛

範金

以節樂也 又曰周斛斯徵精三禮為太常卿自魏孝

武西遷雅樂廢闕樂有鐸于者近代絕此器或有自蜀
得之皆莫之識徵曰此鐸于也衆弗之信遂依干寶周
禮注以芒筒捋之其聲極振乃取以合樂焉 唐楊収
傳宣宗時涪陽耕者得古鐘高尺餘收叩之曰此姑洗
角也既劇拭有刻在兩藥果然 玉海曰劉敞得鐘十
枚於驪山北原無款識制度似周器按爾雅此棧鐘也
文獻通考曰宋徽宗崇寧三年作大晟樂鑄景鐘成

十六枚帝因是陳禮樂雅頌之聲以風化天下 郭緣

生述征記曰洛陽太極殿前大鐘六枚父老云曾欲有
移此鐘者聚百數長絙挽之鐘聲振地自是莫敢犯

宋洪容齋隨筆曰齊始興王鑑為益州刺史廣漢什邡
民段祚以鐸于獻鑑古禮器也高三尺六寸六分圍二
尺四寸圓如甬筒色黑如漆甚薄上有銅馬以繩縣馬
令去地尺餘灌之以水又以器盛水於下以芒莖當心
跪注鐸于以手振芒則其聲如雷清響良久乃絕古所

笙簧西母出穴聽王父
吟東廂下詳前一

周編

鄭抱

周禮擊編鐘敎繆樂

燕樂之鐘磬注繆樂雜聲之和樂者燕樂房中之樂二
樂皆敎鐘磬凡祭祀奏繆樂所謂陰之聲也尸子鄭

簡公謂子產曰飲酒之不樂鐘鼓之不鳴寡人之任也
國家之不以朝廷不治與諸侯交之不得志子之任
也子無入寡人之樂寡人無入子之朝自是以來子產
治鄭城門不閉國無盜賊道無飢人孔子曰若鄭簡公
好樂雖抱鐘

思武

錫文

上禮記詳前一王子年
拾遺記帝顓頊居位文德

者則錫以鐘磬武
德者則錫以干戈

左三

右五

戴延之西征記洛陽
太極殿前左右各三

銅鐘相對大者三十二圍小者二十五圍尚書大傳
古者天子左右五鐘將出則撞黃鐘而右五鐘皆應之
入則撞蕤賓鐘而
左五鐘皆應之

旋蟲

繞獸

上詳前一陸樹穀
中記銅鐘四枚如鐸

景鐘者黃鐘之所自出也垂則為鐘仰則為鼎鼎之大
終於九斛中聲所極製煉玉屑入於銅齊精純之至音
韻清越惟天子親郊乃用之翰林學士承旨張康國為
之銘 天中記曰七寶鐘七寶所鑄孟昶為馬希範壽
希範以賜君山寺宋建延中金人焚之

鐘三

原生一

紀三

樂叶圖徵
鑠金為鐘

黃鐘生一一生萬物故君子
王繫鐘銘紀之以三平之

以六度量以加氣齊允
淑按此與後銘有異

雷師

鳧氏

鳴傳元歌詞雷師
鐘鼓風伯吹

石

張衡西京賦洪鐘萬鈞猛虞趙薛綜注曰洪大也三十斤曰鈞三輔黃圖始皇造虞高二丈鐘小者

千石

兩樂

九乳

上詳前一樂叶圖徵君子鏐金為鐘四時九乳是以撞鐘以知君鐘調

則君道得宋均注九乳法九州也

母感

子鳴

東方朔傳漢武帝時未央宮殿前鐘無故

自鳴三夜三日不止大怪之召待詔王朔問之朔對有兵氣上更問東方朔朔對曰王朔知其一不知其二臣

聞銅者土之子以陰陽氣類言之子母相感山恐有崩弛者故鐘先鳴易曰鳴鶴在陰其子和之上曰應在幾

日朔曰在五日内居三日南郡太守上言山崩延袤二十餘里上大笑賜帛三十匹

齊毀

魯

鑄晏子春秋齊景公為大鐘將懸之仲尼伯常騫晏子三人俱來朝皆曰鐘將毀撞之果毀公召三子問之

晏子曰鐘大非禮是以曰將毀仲尼曰鐘大懸下其氣不得上薄是以曰將毀伯常騫曰今日庚申雷日也陰

形高二丈八寸大面廣一丈二尺小面廣七尺或作蛟龍或作鳥獸繞其上

發鯨 唯雉

張衡西京賦發鯨魚銓華鐘薛綜注云海中大魚名鯨海島又有大獸名蒲牢蒲牢畏鯨魚一擊蒲牢輒

大鳴吼凡鐘欲令聲大故作蒲牢於上以所擊之者為鯨魚有篆刻文故曰華鐘淮南子齊景公族鑄大鐘

撞之於庭下郊雉皆雉許慎注曰族聚也其鐘聲如雷震雉皆應之

二肆 一虞

左傳鄭人

賂晉侯歌鐘二肆注曰肆列也懸鐘十六為一肆二肆三十二枚三禮圖鑄鐘之大者也形如鐘但大耳其

在虞亦一名而已

攻罪

銘勲

樂叶圖徵聖王祗承大定祿爵人者不過其能尊卑有位

位有物物有宜功成者賞功敗者罰故樂用鐘宋均注曰不過其能謂量能授爵也有罪鳴鐘以攻之也國

語晉克潞之役秦來圍敗晉功魏顆以身却退秦於輔氏親止杜回其勲銘之景鐘

萬鈞 千

鐘隱其常五聲既調然後作立五行以正天時

侈弁

悲樂

周禮考工記鳧氏為鐘薄厚之

所震動清濁之所由出侈弁之所由興也尹文子鐘鼓之聲怒而激之則武憂而擊之則悲喜而擊之則樂

其意變其聲亦變意誠感之達於金石而況於人乎

甬衡

聲韻

周禮考工記舞上謂之甬

甬上謂之衡鄭注云此二名者鐘柄也

晉起居注咸熙十年漢中民聞水涯有異聲若雷既而兩岸崩有鐘

十二枚出制作精巧擊之有和聲清韻

霜降鳴

冬至擊

山海經豐山有鐘九耳郭

璞注曰霜降則鳴冬至日縱八能之士擊黃鐘之鐘

易通卦驗人主

重萬鈞

鑄千

斛三輔舊事清成門內大鐘二枚各重萬鈞東觀漢記靈帝鑄黃鐘二千斛懸於嘉德端門內

闔

閭破

子胥毀

淮南子閭闔伐楚破九龍之鐘賈子子胥入郢毀十龍之鐘

告出

莫勝於雷是以曰將毀慎子魯莊公鑄大鐘
曹刺入諫曰今國禍小而鐘大君何不圖之
霍山

文江水字

何法盛晉中興書義熙十一年霍山崩毀
出銅鐘六枚上有文蝌蚪書人莫能識

虞喜志林吳時於江水中得鐘
有百餘字募求讀者竟無人曉

吳札去

杜蕢入左傳

吳公子札自衛如晉將宿於戚聞鐘聲焉曰異哉夫子
之在此也猶燕之巢於幕上君又在殯而以樂乎遂去
之禮記智悼子卒未葬平公飲酒師曠李調侍鼓鐘
杜蕢自外來聞鐘聲曰安在曰在寢杜蕢入寢厯階而
升酌曰曠飲斯又酌曰調飲
斯又酌堂上北面坐飲之
鳴三日
聞百里
母上詳感

注漢官儀曰高祖廟
鐘十枚撞之聲聞百里

法地

正時

說苑鼓法天鐘
法地管子昔

者黃帝以其緩急作五聲以政五鐘一曰青鐘大音二
曰赤鐘重心三曰黃鐘灑光四曰景鐘昧其明五曰黑

也 下

身鏤龍文 上作獅子

戴延之西征記洛陽太極殿前左右各三

銅鐘博山頭組作獅子身鏤龍文虎章華氏洛陽記端門內有大鐘上作羣獅子交組遇正朝大會擊之與

鼓吹相應聲聞二十里

大不出鈞重不過石

小者不窕大者

不拗

國語景王將鑄無射而為之大林單穆公曰先王之制鐘大不過鈞重不過石今王作鐘也聽之弗

及比之不度鐘聲不可以知和制度不可以出節無益於樂而鮮民財將焉用之左傳天王將鑄無射伶州

鳩曰鐘音之器也小者不窕大者不拗則和於物物和則嘉成杜注曰窕細不滿也拗橫大不入也

夔

鑄禹銘

魏志杜夔字公良以知音為雅樂郎參太樂事善鐘律聰慧過人紹復先代古樂皆夔始

也初漢鑄銅工柴玉巧有意思夔令鑄鐘其聲韻清濁多不如法數改作玉甚厭之謂夔清濁任意夔玉更相

告入

聲疾聲舒

韓詩外傳古者天子左右五鐘將出則撞黃鐘馬鳴中律駕者有文御者

有數立則磬折拱則抱鼓行步中規折旋中矩然後太師奏升車之樂告出也入則撞蕤賓以治容貌容貌得則顏色齊顏色齊則肌膚安蕤賓有聲鶴震馬鳴及僕介之蟲無不延頸以聽在內者皆玉色在外者皆金色然後少師奏升堂之樂即席告入也周禮考工記鐘大而短則其聲疾而短聞鐘小而長則其聲舒而遠聞鄭注云淺則躁躁易竭也深則安安難息也

厚石薄播

近亮遠彰

又云鐘已

厚則石已薄則播侈則柝弇則鬱長角則震鄭注云大厚則聲不發大薄則聲散柝柝然聲大也鬱聲不舒揚也震鐘掉則聲不正也淮南子鐘之聲也近之則音亮遠之則聲彰音物固有近不若遠遠不若近也

鳴顯功罪

聽思武臣

樂叶圖徵撞鐘以知君道得宋均注曰鳴鐘顯功罪故樂用鐘

千枚

九斛

陳氏樂書唐史商盈孫按鳧氏樂鉦於鼓鉦舞之法用算法乘除鑄鐘之輕重

高下定編鐘之制黃鐘九寸五分倍應鐘三十三分有半差為四十八字口項之量徑衡之圓莫不有齊量焉

使工按圖鑄之凡二百四十枚及其成也音韻與磬協矣今太常所用舊鐘無慮千枚其間或類古法大抵出

盈孫所造也 下宋徽宗景鐘詳前二

和大

深長

商頌那奏鼓簡簡笈云奏鼓奏堂下

之樂也以金奏堂下諸懸其聲和大又奏升堂之樂絃歌之書笙鏞以間注鏞大鐘孫炎曰鏞深長之聲

展聲

節句

大司樂大祭祀宿懸遂以聲展之徐景安樂書歌鐘十六枚郊祀設於壇上

宗廟設於堂上皆居歌磬之東以節升歌之句

祈壽

保身

博古圖齊侯鐘銘曰師於濁

臨命汝政於朕三軍綴成朕師旗之政乃敢用拜稽首弗敢不對揚朕辟皇君之錫休命擇吉金錢鏄鑄鋁用

白太祖取所鑄鐘錯雜更試然後知夔之精而玉之妄
於是罪玉禹以五聲聽治銘筭虞曰教寡人以義者

擊

笙間

革成

書笙鏞以間
從革以成

鼓於宮

懸於殿

詩

鐘于宮聲聞于外

漢靈帝鑄

鐘師掌

南鄰擊

禮

鐘師掌金奏注金

謂鐘及鐸也凡樂事
左思詩南鄰擊鐘磬

大叩小叩

弗鼓弗考

記曰善待問者如撞鐘叩之大者則大鳴叩
之小者則小鳴詩子有鐘鼓弗鼓弗考刺

晉昭

杜蕢是聽且諷晉侯

吳札既聞乃誚文子

增龍柄

蛟銘

陳氏樂書宋詔李照制管調律其鑄鐘
法悉圓其形而余一孔其上出柄蟠龍

之飾雖和應于一時然較古鐘如鈴而不圓者異矣

玉海周蛟篆鐘銘曰擇乃吉金萬葉無彊用之有相

作鑄其寶鐔用祈耆壽今命難老不顯皇祖其作福元
孫其萬福純魯蘇協而九事俾若鐘鼓汝考壽萬年永

保其身俾

丐福

辟邪

又曰遲父鐘銘曰遲父作姬
齊姜蘇林夾鐘用昭乃穆不

顯龍光乃用斬丐多福侯父洎齊萬年耆
壽子子孫孫無彊寶又曰漢辟邪鐘二

嘶嘎

吼

躍天中記光化三年冬武德殿前鐘聲忽嘶嘎
志祁陽縣白鶴觀有鐘重數百斤唐末一夕有雷雨

鐘忽吼躍入江後有客夜宿昭潭夢一道流曰吾祁陽
縣白鶴觀道士欲歸久矣幸附後載客諾之遲明解纜

忽有鐘卧水次有文曰祁
陽白鶴觀鐘客遂載歸

掘地

成山

玉海咸康五
年豫章南昌

民掘地得銅鐘四枚太守褚裒以獻升平五年二月乙
未南掖門得銅鐘一水經注晉元熙二年竟陵郡上

巾水成山得
銅鐘七口

為盤

封字

左傳莒人伐我東鄙圍台
季武子救台遂入鄆取其

鐘以為公盤 下金

除衡

設鐻

隋志晉及宋齊縣

縣有四鐻鐘雅以編鐘磬衡梁武帝曰六律不具何謂
四廟備樂於是除去衡鐘設十二鐻鐘各依辰位而應
其律每一鐻鐘則設編鐘磬各一虞合三
十六虞植建鼓於四隅元正大會用之
璫謫精

妙玉海宋秘閣有秦昭和鐘形制瑰謫其始得之幽雍
女間其銘首曰不顯朕皇且十有三公 又曰端拱中

潭州上言湘陰縣長樂九乳灘之下得鐘制作
精妙上有古篆八十三字人不之識畫圖以進 入水

凌波

上詳吼躍注 天中記吳山三茅寧壽觀有唐
鐘本唐澄清觀舊物紹興間有金聲震於太湖

漁者莫能致湖濱寺觀爭以舟迎獨澄清觀迎之鐘凌
波而上一引入於舟內丙辰九月二十四日戊午常州
澄清觀女冠王玉仙所造河東薛泚為之銘曰上德願
而鑄洪鐘仙聖佑而人天從霜朝聞兮窈窕月夜聽而

雍容蓮花生而腰淨頂銜饒於盤
龍響上徹於天外聲下徹於九重

化蛟

鬪龍

山堂肆考

上猶東山寺有大鐘形旋如蛟一夕忽飛入寺前潭中
遣沒人出之則化為真蛟蜿蜒可怖至今潭中水泛數
十里聞其聲鏗然震動山谷時有見之者形猶鐘也
宋玉堂閑話吉州龍漁觀有巨鐘上有文曰晉元康中
鑄鐘頂有一竅古老相傳則天時聲震長安詔鑿之其
竅是也天祐年中忽一夜失鐘所在至旦如故見蒲牢
有血痕并絲草絲草者江南水草也葉如薤隨水深淺
而生觀前大江數夜居人聞江水風浪之聲至旦有漁
者見江心有一紅旗水上流下漁者掉小舟往接取之
至則見金鱗光耀波濤洶湧漁者急回始知蒲牢鬪傷
江龍也

得珠

鑄寶

天中記海壇練門江內有巨鐘每
月望日其潮大至水退蒲牢乃出

可容一人從中穿過約其周圍徑一丈餘大厯中閩城
法炯者欲出此鐘先於開元寺設大會齋誦咒令一小

僧詣龍宮乞鐘小僧見海神曰我借以鎮海別與小珠
三顆為信當爾時小僧有如夢覺珠在手焉下孟泉

事詳

自鳴

側垂

再府元龜天寶十載六月乙亥中
書奏昨日辰時大同殿前鐘樓上

鐘自鳴請宣示中外玉海景祐中得寶和
鐘叩之與王朴鐘夷則清聲合而其聲側垂

用金鈿

以銀鑄

又曰昔張懷瓘在翰林時見古鐘紀夏禹之
續皆紫金鈿以蛟篆天中記南蠻婆賄伽

羅國王宮設金銀二鐘寇
至焚香擊之以占吉凶

豫章出

會稽來

玉海宋
元嘉二

十二年豫章出銅鐘齊永明五年三月豫章縣長岡山
獲神鐘一郭璞傳元帝為晉王使璞筮之遇豫之睽

璞曰會稽當出鐘以告成功上有勒銘在人家井泥中
得之繇辭所在先王以作樂崇德殷薦之上帝者也及

帝即位會稽刺縣人果
得鐘以獻一如璞言

體洪剛

聲訇礧

景福殿賦
華鐘杌其

鄭聲不可用詔可丁卯以御撰黃鐘五音五曲凡五十七聲下太常肄習之

風至則鳴

雨來輒應

文獻通考太中大夫劉曷編修樂書金部有七日景鐘景大也鐘西方之聲以象厥成惟

功大者其鐘大世莫識其議久矣其聲則黃鐘之正而律呂由是生焉平時弗考風至則鳴廣古今五行記陝州黃河有銅鐘水大水小常自浮出每昧朔陰雨之日輒鳴聲響悲亮行客聞之莫不愴然一器

三名 三調六曲

陳氏樂書虞夏之時小鐘謂之鐘大鐘謂之鐃周之時大鐘謂之鐘小鐘

謂之鐃則鐃之為用其實編鐘也編鐘之用其實歌鐘也一器而三名之各有攸趨爾文獻通考宋景德中

李宗諤領太常總考十二鐃鐘而樂工相承殿庭習用三調六曲三調者黃鐘太簇蕤賓也六曲者調別有隆安正安二曲郊廟之懸則環而擊宗諤上言曰金部之中鐃鐘為難如一聲不及則宮商失序使十二鐃工皆

高懸悍獸仡以麗陳體洪剛之猛殺聲旬礮其若震

生房心

在卯未

周禮注

於房心之氣詳前一三禮義宗凡樂之變數皆用宮之本數為終黃鐘在子數九故九變而終夾鐘在卯數六故六變而畢林鐘在未數八故八變而止凡樂以辰數為終均者取其中聲之調各得依其辰始之音凡用十二調而作者各用本數為樂終非獨此三也

縣清明

徙南宮

文獻通考漢高帝平

陵宣帝杜陵其鐘皆在長安夏侯征西欲徙詣洛陽重不能致縣在清明門裏道南其西者平陵鐘也東者杜陵鐘也古今樂錄高廣中四鐘皆秦時廟鐘也重十二萬斤明帝徙二鐘在南宮

八分書銘

五音制曲

金石錄唐天寶三載六月明皇撰真源觀鐘銘并八分書玉海皇祐二年六月丙

寅學士承旨王堯臣言奉詔與太常參議阮逸所上編鐘四清聲譜法以清濁相應先後互擊取音靡曼近於

鐘鳴為限靈鞠常稱為千里駒也則夜半鐘吳中寺故事也

各有節奏 克諧音

韻漢王褒傳聖主得賢臣頌曰伯牙操遞鍾注晉灼曰二十四鐘各有節奏擊之不常故曰遞下詳依辰

列位 注 密勿九重奏畧漏於銅史 鏗鉤萬樂應宮懸

於玉階 唐鄭若方鍾宮所鑄判

鐘四

原鼓鐘 詩鼓鐘伐鼗

鳴鐘 鳴洪鐘

擊食 左傳宋左師向巢每食擊鐘

擊飲 又曰鄭伯有於寤室夜飲酒擊鐘

昭聲 昭其聲也

發聲 擅之以筴豈能發其

聲 秋分之氣 五經通義鐘者秋分之氣萬物至秋而成至冬而藏堅成不減絕莫如金故金

精習則遲速有倫隨月用律諸曲無不通矣

依辰列位

隨月用律

又曰真宗

應詔黃鐘太簇二宮更增文舞武舞福酒三曲至是詔馮元等議考擊之法元等奏言後周嘗以相生之法音韻克諧國朝亦用隨均合曲然但施殿庭未及郊廟謂宜使十二鐘依辰列位隨均合節便于合樂仍得并施郊廟若懸軒以下則不用此制所以重備樂尊王制也詔從焉

下詳三調六曲注

霜朝窈窕

月夜雍容

並詳前凌波注

僧謙得句

陶亮攢眉

江南野錄金輪

寺僧謙夜半詠中秋月得清光何處無之句喜極撞鐘山堂肆考晉陶潛訪遠公聞鐘聲有省攢眉而去

耕田輒聞

讀書為限

十六國春秋石勒耕輒聞鐘鐸之聲或在前後王直方

詩話歐陽修云唐詩夜半鐘聲到客船甚佳但夜半非撞鐘時按南史丘仲孚字公信少好學讀書常以中宵

尊卑

人曰慶厯五年乾寧軍進古鐘一送詳定所四月知制誥王洙奏黃鐘為宮最尊者但聲有尊卑耳

非必其形體也

括鐘

續文獻通考至元初各道宣慰司括到鐘三百六十有七

靈安錫

又曰明鑄鐘法如淨銅一斤加靈安錫四兩如用聲濁加黑鉛少許如常聲清者不必加鉛錫

鐘五

增詩唐李嶠咏鐘詩曰既接南鄰磬還隨北里笙平陵

通曙響長樂徹宵聲秋至含霜動春歸應律鳴欲知長

待扣金簾有餘清

唐人

名失

曉聞長樂鐘聲詩曰漢苑

鐘聲早秦郊曙色分霜凌萬戶徹風散一城聞已啟蓬

為鐘相繼不絕也

秋分之音

說文詳一

重二千八百鈞

王桀鐘銘

鐘建安中作重二千八百鈞十有二斤

重三千五十鈞

又云無射鐘建安中作重三千

五十鈞有八斤

水中輒鳴

異苑西河有鐘在水中晦朔輒鳴聲響悲激羈客聞而悽愴

殿前忽鳴

異苑魏時殿前鐘無故大鳴張華曰蜀銅山崩已而果然

增私家不設

陳氏樂書唐制凡私家不設鐘磬

大儀理

孔帖唐武后敕天下黃金作大儀理不就

撾

鐘

李太白春日行三千雙娥獻歌笑撾鐘考鼓宮殿傾

鏗天地動神祇

柳宗元答問黃

鐘元音之登清廟也鏗天地動神祇

相生擊之

文獻通考宋仁宗明道初詔定大樂集賢校理

李照言古者鐸鐘擊為節檢而無合典之義大射有二鐸皆亂擊焉後周以十二鐸相生擊之

聲有

神資九乳靈化寧失制於侈弇豈遺音於窈掇每簏器
以自閑常宿懸而不下動於耳而藏於心必高秋之良
夜沈寥兮日暮而天晶蕭瑟兮霜落而風清跳然出復
鏗爾有聲信不擊而不考能大鳴而小鳴及夫夜已艾
兮彌靜山無人兮月冷時肅肅而自淒復琅琅而虛警
其動愈出其來甚徐合於元化遊於太虛轉遠而盡誰
知所如亂曰風籟起兮喧長薄霜鐘鳴兮動哀壑合大
塊兮聲無作雖有聞兮皆寂寞 唐鄭錫長樂鐘賦曰

萊殿初朝鴛鴦羣虛心方應物大扣欲干雲近雜雞人
唱新傳鳧氏文能令翰苑客流聽思氛氲 元趙孟頫
古鐘詩曰故人賞我趣遺我鳧氏鐘制與周禮合試叩
聲春容是日新秋節夷則還我宮懸之西楮下浮磬儼
在東金石互相應間以絲與桐八音雖未備古樂將無
同鼎尊鐸解卣羅列見古風揖讓於其間令我懷周公
作詩報嘉眎庶以開羣聳

增賦唐喬潭霜鐘賦曰豐山之峰有天然之古鐘兩樂

在物之有心伊人情之所托及夫雞人未唱鵠鑰猶封
星翻南陸月挂西峰出入萬室周流九重走軒車於金
馬震櫺檻於銅龍千官警兮清佩響百鳥鳴兮春露濃
宣謝泗濱之浮磬豐嶺之霜鐘而已哉 宋劉敞秦昭
和鐘賦曰閱故府之藏器厯先秦之遺踪上擎擎而天
矯若騰蛟兮升龍下紛結而扶倚狀菱華與芙蓉洵欸
識之尚傳兮邈沮頡之遺跡響沈潛之寂默兮文幽晦
而蔽匿

漢宮昏曉兮樓殿相望雙闕雲聳兮千門日長銅壺夜
漏金鏡朝光鏘華鐘兮肅天居之岑寂張猛簾兮壯神
容之焜煌含虛守靜應用無方聞之者朝警而夕惕扣
之者神和而意揚此乃樂府之藝器宮懸之高張豈比
夫羽籥絲竹匏土革木徒攢雜以鏗鏘若乃九陌初昏
重門聚櫺清禁將開繁星乍落月宿翠樓風清金閣發
清聲之響亮覺層樓之寥廓思遠客於鵝衣怨美人於
羅幕足使懷愁者感之而增歎得志者聽之而愈樂豈

織故習戎者用之以警衆司厯者俟之以考辰其由來也尚矣粵以貞觀之十四載歲在上章乃詔工者鳧氏鑠銅為鐘陳諸路寢之庭以紀壺人之節爾乃邛都作貢虞倭騁神六齊不忒四時合度大小允寵擿之中清濁得舒疾之和聲隨曉唱則貴賤有序響應漏盡則士庶知禁同夏后之喻義異周王之鮮材加以博採故實無忘彞典股肱之績必紀爪牙之功是勒永貽懿範被之無彊增宋劉敞鐘銘曰周氏作樂備而不和神用

原銘後漢王粲荅賓鐘銘曰有魏匡國成功允章格於
上下光於四方休徵時序人悅時康造茲衡鐘有命自
皇三以紀之六以平之厥量孔嘉厥聲孔時音聲和協
人德同熙聽之無射用以啟期 後魏溫子昇鐘銘曰
宮商遞變律呂相生立號則起從革以成調之必應擊
而不橫銅盤韻響火鳥和聲出入成則明宵有數 唐
岑文本太極殿前鐘銘曰夫金之為德冠五材以稱寶
鐘之為器諧八音而表節成物兼於軍國致用適於洪

方來和十有二紀樂象厥成維其時矣迪惟有夏度自
禹起我龍受之天地一指於論景鐘中聲所止有作於
斯無襲於彼九九以生律呂根柢維此景鐘非弇非侈
在宋之庭屹然特峙天子萬年既多受祉維此景鐘上
帝命爾其承伊何以燕翼之永言寶之宋樂之始

鐸一

增釋名曰鐸度也號令之限度也 書曰適人以木鐸
狗於路 周禮曰兩司馬執鐸三鼓擁鐸三鼓振鐸

不享民用無嘉神祖機之乃合於天革物之難至於百
年啟佑孝孫將聖多能稽古表微禮樂以興程器若工
作此和鐘律鈞既同量齊既從磬筦以宗草木以通干
羽維容簋業維樅孝孫時御實睿實聰上天下地有民
有物萬事之元其右於律神祖作之孝孫述之其作其
述百工一之以享以祀于廟於郊以覲以燕於廷於朝
上帝是祗先祖是熙四方是綏萬民是怡允也天子萬
壽無期又張康國景鐘銘曰天造我宋於穆不已四

鐸二

原通鼓

令民

周禮鼓人職鄭注云鐸大鈴也振之以通鼓月令先雷三日奮木鐸以令兆

民曰雷將發聲有不戒其容止者生子不備必有凶灾

諧黃鐘調

有龍虎形

後周書長孫紹遠為太常創造樂器惟黃鐘不調偶聞浮屠三層上鐸鳴因取配奏始諧古今五行記晉愍

帝建興四年晉陵人陳寵在田得銅鐸五枚皆有龍虎形

增振文振武

狗市狗

朝文獻通考金鐸以金為舌所以振武事也舞武事者執之木鐸以木為舌所以振文事也舞文事者執之

又曰小宰正歲率治官之屬而觀治象小司徒正歲率其屬而觀教象之法皆狗以木鐸小司寇帥其屬而觀形象令以木鐸宮正司烜以之修火禁於國中鄉師凡四時之召以之徇於市朝士掌國五禁之法以之徇

禮記曰振木鐸於朝天子之政也 揚子法言曰天之

道不在仲尼乎仲尼駕說者也不在茲儒乎如將復駕

其所說則莫若使諸儒金口而木舌

注金口木舌鐸也

文獻

通考曰木鐸以木為舌所以振文事也故舞文事者執

之振文事一也在帝王天子則行而為政在元聖素王

則言而為教

續文獻通考曰元雙鐸制如小鐘上有

柄以金為舌用以振武舞兩鐸通一柄者號曰雙鐸又

有單鐸

出磬石有泗濱

尚書曰泗濱浮磬

九真浮嶽

見劉欣期交州記

小華之

山涇水鳥危之山

並見山海經

增又有銅磬

文獻通考梁朝樂器也後

世因之方響

鐵磬

又南齊器詳後三

又有雷磬琥磬雲雷磬

之制出焉

見博古圖

毛詩曰既和且平依我磬聲

尚書曰予擊石

拊石百獸率舞庶尹允諧

原爾雅曰大磬謂之鼗

許

反徒擊磬謂之蹇

郭璞曰磬形似犁瑄以玉石為之

周禮曰磬人為

磬倨句一矩有半其博為一

周禮注曰在東方曰笙

磬在西方曰頌磬

笙生也頌作庸庸功也

五經要義曰磬立秋

朝於

鐸三

增聲不過琅

司馬法鐸聲不過琅

原舞者振鐸

傅元歌詩歌者齊絃舞者振鐸

絃鐸鐸

賈人牛鐸

晉書荀勗路逢趙賈人牛鐸識其聲从掌樂音韻未調乃曰得趙之

牛鐸則諧矣遂下郡國悉送牛鐸果得諧者世服其明

增金舌有柄

文獻通考金鐸形如

鐸有柄金舌

木舌如甌

又曰木鐸形如金鐸稍矮如甌有柄金舌

磬一

原說文曰磬樂石也

古磬名有離磬

見禮記

湘陰之磬

其土少而水多其聲和且潤也 續文獻通考曰遼大

樂器有玉磬 又曰金太廟登歌樂器磬一簋親祀則

用玉磬攝祭則用編磬宮懸樂編磬十二簋有司攝祭

宮懸編磬四方響 文獻通考曰方響以鐵為之修八

寸廣二寸圓上方下架如磬而不設業倚於架上以代

鐘磬 又曰梁有銅磬蓋今方響之類也 又曰後周

正樂載西涼清樂方響一架十六枚具黃鐘大呂二均

聲 又曰方響其編縣之次與雅樂鐘磬異下格以左

之樂也 三禮圖曰股廣三寸長尺三寸半十六枚同

一筍簴謂之編磬 增隋樂志雅樂二十器石之屬一

曰磬

用玉若石為之

唐樂志曰宮縣登歌樂器二曰石為大

磬為編磬為歌磬 原白虎通曰磬者夷則之氣象萬

物之成 淮南子曰孟冬之月北宮御女黑衣綵擊石

磬 增宋陳氏樂書曰少華之山其陰多磬鳥危之山

其陽多磬嵩山涇水出焉其中多磬則磬石所自固雖

不一要之一適陰陽之和者泗濱所貢浮磬而已蓋取

辟雍設膠序隆雅頌之音以風化天下 陳氏樂書曰

晉賀循奏登歌之簾采玉以造磬 又曰隋蘇夔妙達

音律造玉磬獻於齊 洽聞記曰隋文帝開皇十四年

於翟泉獲玉磬十四垂之於庭有一素衣神人來擊之

其聲妙絕 國史纂異曰總章中潤州得十二玉磬以

獻張率更文叩其收一曰晉某歲所造也詳知 開元傳

音

信記曰太真妃最善擊磬搏拊之音明皇令採藍田綠
玉為磬尚方造筍簾流蘇之屬皆令鈿珠翠珍怪之物

為首其一黃鐘二太簇三姑洗四中呂五蕤賓六林鐘
七南呂八無射上格以右為首其一應鐘二黃鐘之清
三太簇之清四姑洗之清五中呂之清六大呂七夷則
八夾鐘此其大凡也後世或以鐵為之教坊燕樂用焉
非古制也

磬二

原世本曰無句作磬

樂錄又曰磬叔所造未知孰是無句堯臣也

增漢書

曰成帝時於犍為水濱得石磬十六枚劉向說上宜興

一白玉方響光明潔冷可照數十步以犀為槌以雲檀香為架芳馥著人彌月不散制度精妙希世之寶也

磬三

原泗濱 瀛上

尚書徐州泗濱浮磬孔安國曰泗水中見石可以為磬也王子年拾遺記浮

磬即瀛州也上有青石可為磬磬長一丈而輕若鴻毛

懸石

浮金

王韶之始興記縣下

流有石室內有懸石扣之聲若磬響十餘里洞冥記漢武帝起招仙閣於甘泉宮西其上懸浮金輕玉之磬

禹懸 夔拊

淮南子禹以五音聽政懸鐘鼓磬鐸置鞀以待四方之士為號曰告寡人以憂

者擊磬詳納諫呂氏春秋堯命夔拊石擊石以象上帝玉磬之音以舞百獸孔注尚書曰拊擊也石磬也

又鑄二金獅子為趺其他綵繪縹麗制作精妙一時無比也 澄懷錄曰江南李建勲嘗蓄一玉磬尺餘以沈香節按柄叩之聲極清越客有談及穢俗之語者則急起擊玉磬數聲曰聊代清耳名曰泗濱友 玉海曰宋景祐二年李照鍊白石以為磬範中金以作鐘左司諫姚仲孫言其詭異 又曰元豐七年始造玉磬命太常博士楊傑審定音律造編磬十六 杜陽雜編曰文宗時有宮娥沈阿翹本吳元濟之妓嘗自進吳元濟所與

師名

依聲

遺響

上毛詩詳前一元伯夔作玉磬遺響至今

傳元七謨

得民

道

思封疆

樂叶圖徵擊磬以知民磬音調則民道得鐘磬之音能動千里也

下見上樂總一

和鐘並擊

與笙同音

易通卦驗人君擊黃鐘之鐘與磬聲和則公卿大夫誠信

磬詩笙同音

縵樂皆教

篳簹斯懸

詳前鐘

增三化

五

音

陳氏樂書古人論磬嘗謂有貴賤焉有親疎焉有長幼焉三者行然後王道得王道得然得萬物成天下

樂之故在廟朝聞之君臣莫不和敬在閨門聞之父子莫不和親在族黨聞之長幼莫不和順夫以一器之成而功化之敏如此則磬之所尚夫宜在石哉存乎聲而已又曰徐景安謂浮磬擊有五音以七音言之非也

綠玉

素衣

上唐楊妃事詳前二下隋文時事詳二

刻碑

擊鉢

封氏

鳥應

獸舞

東觀漢記王阜為重泉令鸞鳥集學宮阜擊磬而舞

魯

堂

漢閣

漢書魯恭王好修宮室壞孔子舊宅以廣宮室聞鐘磬琴瑟之音遂不復壞

注

山陽石

水上金

山海經鳥危之山其陽多磬石澗冥記漢武帝縣浮金輕玉

之磬浮金者自浮於水上輕玉者其質明而輕也

賓婚賂晉

臧文告齊

左傳

晉師從齊師入自丘與擊馬陘齊侯使賓婚人賂以紀

如齊告糴

掌編

擊頌

磬師掌擊編磬敎瞽瞍也

周

湘陰

水濱

見上樂總一漢成帝事詳二

鳴球

懸黎

球亦玉磬

黎之磬玉石名

擊衛

入海

子擊磬於衛有過者曰有心哉擊磬乎擊磬襄入於海襄磬

杳絕送歸本
寺聲如故

土少水多

有隆無殺

上泗濱事詳前
陳氏樂書

先王因天球以為磬以其為堂上首樂之器其
聲清激有隆而無殺衆聲所求而依之者也

磨磬

略加音律已協

玉海宋大晟府言神宗命儒臣肇造
玉磬藏之樂府久不施用宜畧加磨

礱俾與律合從之又曰紹興十六年十月戊午上曰
近得玉二塊方成玉磬朕親臨視之已協音律更欲按

試之更鼓之變

方響所由

文獻通考南齊宮城內却
敵樓用鼓磬夜以應更唱

太祖以鼓多警寢遂易以鐵磬
其更鼓之變歟下詳前一

前閣為天

後閣為

地續文獻通考明磬制皆一尺六寸三分填眼至尖皆
一寸三分前閣為天後閣為地以石為之其石出鳳

陽府靈璧縣西北有山名靈璧如琢
磨則取一樣聲之石其音諧和也

出編磬

緣直

見聞錄秦刻嶧山碑云刻此樂石人多不曉顏師古謂以泗濱浮磬作碑也文獻通考銅磬梁朝樂也今釋

氏所用銅鉢亦謂之磬蓋妄名之耳齊梁間文士擊銅鉢賦詩亦梵磬之類也

題集 賜功

唐司空圖題柳氏集後云金之精粗考其聲皆可辨也豈清於磬而渾於鐘哉孔帖唐文宗內宴奏雅樂乃曰笙磬同音沈吟忘味不圖為樂至

香柄 獅趺上

建勲事詳二下

呼神

采玉

廣異記潞城縣令周混妻韋璜乾元中卒

月餘忽至其家靈語云太山府君嫁女令我妝束染紅借家婢暫去家人難之韋云但借兩日耳若過兩日汝

宜擊磬呼之夫聲聲一振鬼神畢聞下賀循事詳前二

方中矩

形如月

陳氏樂書

鐘圓中規磬方中矩酉陽雜俎歷城縣光政寺有石磬形如半月扣之聲聞百里至北齊時移於都內其聲

音對此喜還歎幾秋還到今器古契良覲韻和諧宿心
何為值明鑒適得離幽沈自茲入清廟無復沙泥侵

又杜牧方響詩曰數條秋水挂琅玕玉手丁當怕夜寒
曲盡連敲三五下恐驚珠淚落金盤 又李允方響歌

曰敲金扣石聲相凌遲空冷靜天正澄寶瓶下井輓轆
急小笙弄索傷清冰穿絲透管音未歇迴風繞指驚泉
咽季倫怒擊珊瑚摧靈芸整鬢步搖折十六葉中侵素
光寒聲震月雜珮璫雲和不覺罷餘怨蓮峰一夜啼琴

板唐志方響體似應石審此則是出於編磬之制而梁始為之合璧事類方響本以織鐵為之吳邵無方響緣直板聲不應諸調

磬四

增詩唐范傳正范成君擊銅磬詩曰厯厯聞金奏微微
下玉京為詳家牒久偏識洞陰名淡汙人間聽鏗鏘古
曲成何須百獸舞自暢九天情注目看無見留心記未
精雲霄如可託借鶴向層城 又李建勲泗濱得石磬
詩曰浮磬潛清深依依呈碧潄出水見貞質在縣含玉

又闕撰人姓名泗濱浮磬賦曰次其崖岸露彼貞質清明

內融符彩外溢宵舒夜度遙分蟾兔之輝旭日朝臨下
映鮫人之室規模可定剗剗方成色光芒而白氣溫潤
而清是營是琢且知其能照載考載擊乃知其有聲
又呂牧子擊磬賦曰翕如始奏冷然激揚旁達草木獨
調宮商何一氣之立則若五色而成章羽可以振振獸
可以蹢蹢斯道之行如磬之聲合於制度發以清英應
小大以隨擊拊原終始不可將迎伊物情之滯隔莫不

姜急節寫商商恨促秦愁越調逡巡足夢入仙樓憂殘
曲飛霜稜稜上秋玉

增賦唐張仲素玉磬賦曰當其磬師來求玉人爰格追
琢既成磨礱載白掩淒清之瓊珮洞閒華之水碧然後
張之清廟奏彼朱宮懸篥簾而其容轉麗偶笙簧而其
韻暫同明半規而似月發異彩而如虹練響而鳴球可
諧還和而浮石非匹爛鮮華之溫潤含正聲之縝密至
於擊拊孔皆備虞韶而克諧清明可貴表尼父之忘味

吳錄曰吳王夫差移於建康之宮南門有雙鶴從鼓中而飛上入雲中

玉鼓

見春秋緯

布鼓

見西

漢書王遵傳

銅鼓

見馬援傳

石鼓

見鄧德明南康記

聖鼓

王韶之始興記曰秦鑿楊山桂

陽縣閣下鼓便自奔逸息於臨武遂節鼓傳元有賦靴料

鼓樂錄曰鼓如鼓而小執其柄搖其耳傍邊自相擊而鳴爾雅曰小鞀曰料今併而稱之

增又

有青鼓

赤鼓

黑鼓

北齊諸州鎮戍各給鼓吹諸王為州給赤鼓皇子增給青鼓上

刺史給赤鼓中州以下及諸鎮戍給黑鼓皆有衣

羯鼓

龜茲高昌疎勒天竺部之樂也狀如漆桶下承

以牙牀用兩杖擊之其聲合太簇一均在雞婁鼓之上都曇答臘之下明皇素好之

檐鼓西涼高麗之器

也狀如甃而小先冒以革而漆之是其制也

都曇鼓

扶南天竺之器狀似腰鼓而小以小槌擊之

由此而發明

鼓一

原風俗通曰鼓者郭也春分之音萬物皆鼓甲而出故謂之鼓易曰鼓之以雷霆則其所象也不知誰之所造

纂要曰應鼓曰鞀鼓亦曰鞀鼓

鞀音盾亦曰田鼓盾者引也言先擊鼓以

引大鼓也又見三禮圖

樂之所成曰鼗鼓

毛詩一作鼗音逃

大鼗謂之麻

小鼗謂之料徒擊鼓謂之罍

見爾雅

又有鼉鼓

見毛詩又司馬相如

上林賦曰建靈鼉之鼓

鷺鼓鶴鼓

毛詩曰振振鷺鷺于飛鼓咽咽又曰鷺者鼓精也古今樂錄及

為是鼓者蓋不知堂上之樂有拊而無鼓矣

散鼓

宋朝初載宮懸之樂設建鼓於四隅徒用為儀而不

擊設散鼓四以伐之非古制也景祐中易之以三等鼗鼓之制可謂近古矣並見文獻通考

元有雅

鼓

制如漆桶鞔以羊革旁有兩紐工人持之築地以節舞

杖鼓

以木為匡細腰皮冒之上施五采綉

帶右擊以杖左拍以手

扎鼓

如杖鼓而小左持而右擊之

金鞀小鼓

制未詳

花鞀

稍子鼓

制未詳

日月鼓

制未詳

魚鼓

制未詳見續文獻通考

律書樂

圖云撾鼓曲十一曰驚雷震二曰猛獸駭三曰鷙鳥擊

四曰龍媒蹠五曰靈夔吼六曰鵬鶚爭七曰壯士奮怒

八曰熊羆哮吼九曰石盪崖十曰波盪壑羽葆鼓曲十

毛貲鼓

類曇而大扶南天竺之樂器也

答臘鼓

又廣而短以指拮之其

聲甚震亦謂之拮鼓也

雞婁鼓

其形正圓首尾所擊之處平可數寸甕茲疎勒高昌之器也

齊

鼓

狀如漆桶一頭差大設齊于鼓面如麝臍然西涼高麗之器

柶鼓

隋大駕鼓吹柶鼓長三尺朱漆

其上唐開元禮義羅曰柶鼓小鼓也

羽葆鼓

隋書鼓吹車上施層

樓四角金龍流蘇羽葆唐羽葆之制縣於架上其架飾以五采流蘇植羽也

鈺鼓

唐六典凡軍鼓之制

有三一曰銅鼓二曰戰鼓三曰鈺鼓其制皆五采為蓋

連鼓

唐張文收燕樂有之今太常鼓吹後部用

之枹鼓

制如大鼓下有跌唐燕樂有之今太常鈺吹前部用之一曰枹鼓也

熊羆鼓

其形製小

而有架具羽葆流蘇之飾唐樂圖所傳羽葆部熊羆十二案用之

唐鼓

後世堂上樂用之未詳所起然

十一曰貪失利十二曰賀栗胡真 原爾雅曰小鼓謂

之應 周禮曰以雷鼓鼓神祀鄭玄曰雷鼓八面以靈鼓鼓社

祭靈鼓六面以路鼓鼓鬼享路鼓四面鬼享享宗廟以鼗音鼓鼓

軍事大鼓為鼓長八尺以鼙音鼓鼓役事鼙鼓長一丈二尺以晉鼓鼓

金奏晉鼓長六尺六寸增又夏官大司馬中春教振旅王執

路鼓諸侯執賁鼓軍將執晉鼓師帥執提謂馬上鼓有曲木提持鼓

立馬鬣旅師執輦 原三禮曰夏后足鼓殷人置鼓置音

植亦作樹 周人懸鼓 易通卦驗曰冬至鼓用馬革圓

樹其鼓也

八一大和二休和三七德四騶虞五基王化六纂唐風
七厭炎精八肇皇運九躍龍飛十殄馬邑十一興晉陽
十二濟渭陰十三應聖期十四御宸極十五寧兆庶十
六服遐荒十七龍池十八破陣樂大鼓十五曲內三曲
嚴用一曰尤麟合邏二曰元麟它固三曰元麟跋至慮
餘十二曲警用一曰元咳大至遊二曰阿列乾三曰破
達拆利紇四曰賀羽真五曰鳴都路六曰鵠鳴路跋七
曰雷折槌八曰元咳赤賴九曰赤賴十曰吐該乞物真

鼓二

增陳氏樂書曰鼓之制始於伊耆氏少昊氏 帝王世
紀曰黃帝殺夔以其皮為鼓聲聞五百里 文獻通考
曰吳王夫差啟蛇門厭越越人為雷門以襍之擊大鼓
於雷門之下而蛇門聞焉 世說曰襍衡被魏武帝謫
為鼓吏正月半試鼓衡揚枹為漁陽摻搥淵淵有金石
聲四座為之改容 又曰王大將軍年少時舊有田舍
名語音亦楚武帝喚時賢共言伎藝事人皆多有所知

徑八尺一寸夏至鼓用牛皮圓徑五尺七寸

鄭玄注曰馬坎類牛

離類

增唐六典曰武庫令軍鼓之制有三一曰銅鼓二

曰戰鼓三曰鐃鼓

注世本曰巫咸作鼓銅鼓蓋南中所制

文獻通考唐

宮懸之樂四角鼗鼓四座一曰應鼓二曰顙鼓三曰鷺

鼓四曰雷鼓皆彩畫其上各安寶輪 玉海曰乾德四

年南蠻進銅鼓以請內附景德元年象州貢銅鼓高一

尺八寸闊二尺五寸旁有四耳銜環鏤人騎花蛤推之

有聲

公因鼓聲疾遂愈天祐其勤也 唐書曰馬周上言令

金吾每街懸鼓夜擊止其行李以備竊盜時人呼為鼙

鼙鼓

雍洛靈異小錄云有道人裴修戲為詞曰遮莫鼙鼙鼓須傾滿滿盃金吾若相問報道玉山頽

南卓羯鼓錄曰宋璟善羯鼓始承恩顧與上論鼓事曰

不是青州石末即是曾山花簑撚小碧上掌下須有朋

肯之聲據此乃是漢震第二鼓也且繇用石末花簑固

是腰鼓掌下朋肯聲是以手拍非羯鼓明矣

第二鼓者左以杖右

以手指環又謂上曰頭如青山峰手如白雨點此即羯鼓

唯王都無所關意色殊惡自言知打鼓帝令取鼓與之
於坐振袖而起揚槌奮擊音節諧捷神氣豪上傍若無
人舉坐歎其雄爽 沈約宋書曰蕭思話年十許歲好
騎屋棟打細腰鼓 南史曰孫梹為延陵縣令國子助
教高爽詣之梹了無故人懷爽出坐閣下取筆書鼓面
云徒有此大腹了自無肝腸面皮如許厚被打未渠央
北史曰後周裴俠為工部中大夫疾沈頓忽聞五更
鼓驚起曰可向府耶遂瘳晉公護曰危篤若此不廢憂

狀豈鳴蛤乃銅鼓之精耶 五代史曰張薦明為道士
高祖召見延入內殿薦明聞宮中奏時鼓曰陛下聞鼓
乎其聲一而已五音十二律鼓無一焉然和之者鼓也
天中記曰宋范仲淹一日攜子純仁訪民家民舍有
鼓為妖坐未幾鼓自風滾至庭不已民舍皆股栗仲淹
徐謂純仁曰此鼓久不擊見好客至故自來庭以尋槌
耳令純仁削槌以副之其鼓立碎

鼓三

之能事也山峰取不動雨點取碎急即上與璟兼善兩鼓也而羯鼓尤好以其比漢震稍雅細焉璟之家悉傳之東都留守鄭叔則祖母即璟之女今尊賢里鄭氏第有小樓即宋夫人習鼓之所也璟孫沆亦工之嶺表錄異曰貞元中驃國進樂有銅鼓咸通末龔州刺史張直方因葺城池掘得一銅鼓捨於延慶以代木魚僖宗時林藹守高州鄉野牧童聞田中蛤鳴欲進捕之一蛤躍入穴中掘而取之得一銅鼓其上隱起多鑄蛙黽之

由為桴 漢書史丹傳元帝好音樂或置鼙鼓殿下天子自臨軒檻墮銅九以撻鼓聲中嚴鼓之節後宮及左右習知音者莫能為而定陶共王亦能之上數稱其材丹進曰凡所謂材者敏而好學溫故知新皇太子是也若乃器人於絲竹鼓鼙之間則是陳惠李微高於匡衡可相國也於是上默然而笑 靈鼙 雷

獸 史記李斯上書樹靈鼙之鼓 山海經東海有獸名曰夔黃帝得之以其皮為鼓振以雷獸之骨聲聞五

百里以威天下按郭氏傳云雷獸即雷神也人面龍身鼓其腹則雷振猶擊也 清越 鏗鏘

羅浮山記羅浮山東有兩石鼓叩之其聲清越 司馬相如上林賦遞奏金鼓迭起鏗鏘 逢逢

淵淵 詩鼙鼓逢逢 賡奏公 又執 分密須 擊黃

鐘 帝王世紀有密須之鼓又分唐叔以密須之鼓密須鼓名 易通卦驗冬至日人君擊黃鐘之鼓

原殷樹

周懸

並詳前一

擊玉

獻銅

春秋孔演圖有人叩金豐擊玉鼓駕

六龍

虞喜志林建武二十四年南康郡男子獻銅鼓有銘

廟西

座左

禮記廟堂之上

壘樽在昨犧樽在西廟堂之下懸鼓在西應鼓在東吳質答曹植書曰近者之歡實蕩鄙心秦箏發徽二人迭

奏墳簫擊於華幄靈鼓動於座右

豫章伐木

交趾鑄銅

盛弘之荊州記始興

郡山陽縣有豫木本徑可二丈名為聖木秦時伐此木為鼓顙鼓顙成忽自奔逸北至山陽後漢書馬援好

騎善別馬名交趾得駱越銅鼓乃鑄為馬式進上

為羣音長

有金石聲

五經

要義鼓所以檢樂為羣音之長下世說禰衡詳前二

築土

擗銅

禮明堂位土鼓蕢桴

葦籥伊耆氏之樂也鄭注云伊耆氏古天子有天下之號也今有姓伊耆氏者謹按土鼓築土為鼓蕢桴以土

入漢 聲疾聲舒鼓方叔入於河播鼗武入於漢武方叔皆鼓師名言周衰不能用樂故去

周禮鼓大而短則聲疾而短聞鼓小而長則聲舒而遠聞 軒訇之音 鏗錡之

響 增翔鷺 蟠龍陳氏樂書殷楹鼓一楹而四稜也貫鼓於端猶四植之桓圭也隋唐

又樓翔鷺於其上蒙以珠網張以絳紫繡羅文獻通考教坊鼓制如大鼓蟠龍匝鞆有架有跌 寶

輪 珠網上唐宮縣願鼓詳前 登聞 敢諫文獻通考朝鼓

有木可提執施於朝則登聞之鼓敢諫之鼓是也 細腰 纖腹上元杖鼓制詳一 文獻

通考震雷之廣廣首而纖腹漢人所用之鼓 夔皮 猊趺上詳二續文獻通考元樹鼓

之制每樹三鼓采飾悉同唐建鼓之制以青後猊四為趺 奕局 雲花文獻通考節鼓不詳

思將帥

得臣道

上樂記詳一樂叶圖徵樂有鼓擊鼓以知臣鼓音調則臣道得

整敕三軍

旁震八鄙

李充鼓銘鼓著明時整敕三軍張衡東京賦撞洪鐘伐靈鼓

旁震八鄙軒轅隱旬若疾霆轉雷而激迅風也

弗考

其鐘

詩刺晉昭公子有鐘鼓弗鼓弗

考又擊鼓其鐘注鐘鼓聲也

雷門鶴

蜀桐魚

會稽雷門鼓有白鶴來飛入於是鳴

洛陽聞其聲人或去之鶴還飛去帝時吳郡臨平岸奔出一石鼓打之無聲以問張華華

劉敬叔異苑晉武

云可以蜀中桐木刻作魚形扣之則鳴如言果聞數十里

啟蟄冒

宛丘擊

周禮

凡冒鼓必以啟蟄之日象雷之發聲也以革蒙鼓曰冒詩宛丘之下坎其擊鼓

瑕如積環

音象雷霆

韞人職良鼓瑕如積環革調急也文子雷霆之音可以象鐘鼓

入河

技有一鼓甚惜之其環忽脫公悵然以問諸匠皆莫知所為無請以環脚為鎖實納之則不能脫矣萊公大喜

鼓四

原和聲

禮鼓無當於五聲五聲不得不和當猶正也

昭聲

昭其聲也

警衆

以鼓

警衆

進衆

禮先鼓以警戒鼓聲之聲譙譙以立動動以進衆

擊土鼓

周禮籥章職云

凡國祈年於田祖飲豳雅擊土鼓杜子春云土鼓以瓦為匡以革為兩面可擊也

布鼓

漢書無持

雷門

駭鼙鼓

陳思王九歌詠云王執桴兮駭鼙鼓

石鼓

鄧德明南康記云有

石鼓增鞞牢

文獻通考鞞牢龜茲部樂也形如路鞞而一柄疊三枚馬古人嘗謂左手布鞞牢右手

手擊鞞婁鼓是也

鼓桴

又曰風土記越俗飲燕即鼓桴以為樂取大素圓桴以廣尺五六者抱以

所造蓋拊與相二器之變也江左清樂有節鼓狀如奕局朱髹畫其上中間圓竅適容鼓馬擊之以節樂也

又曰天子郊祀廟享用雲花白衣鼓二

耳銜環

腹實糠

上玉

海象州銅鼓詳一

續文獻通考元相鼓以革為表實之以糠拊其兩端以相樂舞節即拆拍之易名也

青山峰

白雨點

宋開府並詳前二

繁音坎坎

促節闐闐

柳宗元

人騎花蛤

鳴應河星

上玉海詳一
成式酉陽雜俎

唐段冀縣

有天鼓山有石如鼓河鼓星搖動則石鼓鳴

擊小導大

懸西應東

周禮春官

懸鼓周鼓其小者曰角先擊小者為大鼓導引故曰角禮廟堂之下懸鼓在西應鼓在東

思話

好打萊公甚惜

上詳二初為永興

歸田錄燕龍園肅有巧思推官知府寇萊公好舞拓

原詩梁劉孝威賦得鳴簾應令詩曰雜扇雖俱斂交行
忿自分轉袖時繞腕揚履自開裙 又蕭琛詠鞞應詔
詩曰抑揚動雅舞擊享逗和音却馬既云在將帥止思
心 增唐李嶠詠鼓詩曰舜日諧鼗響堯年韻土聲向
樓疑吹擊震谷似雷驚仙鶴排門起靈鼉帶水鳴樂云
行已奏禮曰冀相成 李賀官街鼓詩曰曉聲隆隆催
轉日暮聲隆隆呼月出漢城黃柳映新簾柘陵飛燕埋
香骨碓發千年日長白孝武秦王聽不得從君翠髮蘆

著腹以右手五指更彈之以為節
舞者搏地擊掌以應柝節而舞焉

鼓捲

羯鼓錄曹王
為荆南節

度使有容懷二捲見之舉捧而歎曰此必開
元中供御捲也已而問之果得於高力士

鼓杖

又曰

杜鴻漸為三川副元帥成都匠者有以二鼓杖獻之鴻
漸示於衆曰此尤物也必常衣襟下收之積時也已而

問之果養之春
溝中二十年矣

海汐飄至

天中記西溪鎮聖果院有
鼓相傳保太中海汐飄至

故范希文有高
麗鼓半穿之句

二鼓皆鳴

輿地志後周敞為交趾刺史
伐龍山木以為鼓以下

分鼓給桂林郡上分鼓給交
趾郡擊一鼓則二鼓皆鳴

號為音老

雜錄南雄之
俗鑄銅為鼓

欲將攻擊則鳴此鼓到考
如雲家有鼓者號為音老

鼓五

夫坎其缶宛丘之下亦象乎殷其雷南山之隈音鏗鏘以鞀鞀響容與以徘徊又柳宗元數里鼓賦曰異哉鼓之設也觀其象可以守威儀之三千節其音可以表言行之五十配和鑾以入用並司南而為急若乃郊薦之儀既陳封禪之禮攸執經千里而分寸可候度四方而禮容是集施五擊于華山之野知霧氣已籠用百發乎南山之陽識雷聲所及於以翊龍御於以引天旋異銅渾之儀亦可敘紫微之星次殊玉漏之制而能步黃

花色獨共南山守中國幾回天上葬神仙漏聲相將無
斷續 李商隱聽鼓詩曰城頭疊鼓聲城下暮江清欲
問漁陽慘時無禍正平

原賦晉陸士衡鼓吹賦曰宮備衆聲體僚君器飾聲成
文雕音作蔚響以形分曲以和綴放嘉樂於會通宣萬
變於觸類適清響以定奏期要妙於豐金邈拊搏之所
管務憂厯之為最 增唐白居易敢諫鼓賦曰若乃宸
居謚靜閭闔洞開隱隱聞於天闕鼙鼙發於帝臺既類

用缶納約自牖

有孚之吉

易曰有孚盈缶終來有他吉

坎其擊缶

詩云坎其

擊缶宛丘之道

增冥缶而歌

文獻通考唐堯之時有擊壤而歌者因使鄭以糜糴冥缶而鼓

之

盜謂之缶

爾雅盜謂之缶注曰盆也

原息於吟缶

墨子農夫春耕夏耘

秋斂冬藏息於吟缶

秦王擊缶

史記秦王與趙王會澠池蘭相如從秦王曰寡人聞趙王好音

請奏瑟趙王鼓瑟秦王御史書曰某年某月秦王命趙王鼓瑟相如亦奉缶秦王請擊秦王不肯相如曰五步之

內請以頸血濺大王秦王不悅為一擊之相如亦命趙御史書曰某年某月秦王為趙王擊缶

秦人

節歌

風俗通曰缶者瓦器所以盛酒漿秦人鼓之以節歌

真秦之聲

楊惲書曰擊缶而歌

烏烏者真秦之聲也

鼓缶之羞

淮南子夫窮鄉之社扣甕鼓缶相和而歌自以為樂常試為之

道之曰躍周物之智斯設極深之幾是研 又王履真
六街鼓賦曰每司辰而不憊必候時而後動聲坎坎而
旁殷遐邇氣雄雄而中遏煩惚通途廣陌萬戶千扉晨
應雞鳴夕催人歸牛羊下時迎暮煙而斯發河漢云沒
伴曉色而漸微此乃守常有則守矩不違一厥人兮人
懷其信齊厥政兮政絕其非

缶

原鼓缶而歌

易曰日昃之離不鼓
缶而歌則大耋之嗟

用缶納約

易曰樽
酒簋載

擊之妙於方響咸通中吳煥亦精於此劉安謂扣甕拊鉶墨子息於吟缶之樂其亦此歟

水盞又

近世民間用九甌盛水擊之謂之水盞合五聲四清其制始於李琬世俗之樂也

張仲作缶

景苑詳注曰缶縮尺有六寸衡四寸四分深三寸下狹容二斗又云張仲作缶故有張仲缶

祝敔一

增釋名曰祝如物始見祝祝然也 又曰敔止也所以

止樂 尚書曰下管鼗鼓合止祝敔 爾雅曰所以鼓

敔謂之止所以鼓祝謂之鼗 禮記曰天子賜諸侯樂

則以敔將之 隋志雅樂二十器木之屬二曰祝曰敔

擊建鼓撞巨鐘乃始知夫甌缶之足羞也

擊缶之細

徐幹論曰聽黃鐘之音知擊缶之細涉庠

序之教知不學之固

增製用金成

宣室志李負居長安延壽里一夕忽聞室之西南隅有歌

其音清越泛泛然久不已歌詞曰色分藍葉青聲比磬中鳴七月七日吾當示汝之形至秋始六夜有甚雨漬其堂之北垣明日垣圯又聞其聲如前聞者負驚視之於垣下得一缶徑尺餘製用金成形狀奇古有文視不可見叩之韻極長命滌去塵藓歷然可讀

八缶一均

文獻通考唐永泰初司馬滔進缶平樂蓋有八缶具黃鐘一均聲

四杖擊之

又曰古缶形如

足盆或曰形如覆盆以四杖擊之立秋之音也古者盡謂之缶則缶之為器中虛而善容外圓而善應中聲之所自出者也

扣甕擊甌

又曰唐大初中天興縣丞郭道源取邢甌越甌十二酌水作調以筋

青龍

丹鳳

文獻通考宋祝啟制東方圖以青龍南方圖以丹鳳

祝啟三

原合止祝啟

尚書詳一

命飭祝啟

月令命樂師修鞀鞀鼓均琴瑟管簫執干戚戈

羽調竽笙篳篥

以其聲質

樂記聖人作為鞀鼓控揭壘麓此六者德音之音也

鄭注云六者為本以其聲質也控揭為祝啟也

所以止樂

釋名詳一

增一合一

止陳氏樂書樂記有控揭祝啟祝啟以控揭為用控揭以祝啟為體二者之聲一合一止未嘗不相待也

戒之於早潔之於後

又曰祝以合樂而作之必鼓之欲其止者戒之於早也啟以節

樂而止之必鼓之欲其範者潔之於後也

卑而在下

又曰樂之張陳夏擊必於堂上祝啟必於

以節樂
志樂

白虎通曰柷敔者終始之聲 陳氏樂書曰

晉宋故事四箱各有柷敔同時夏作非古人之制也隋
罷之不亦宜乎

柷敔二

原如物始見

象天以制

上釋名詳一
立冬陰陽始

終故聖人象天

以制柷形使死者不恨生者不怨宋均
曰柷圉從中發聲人情怨恨亦從中起

形如漆桶

狀如伏虎

毛詩有瞽篇鄭注曰柷形如漆甯中有
椎敔狀如伏虎背上有二十七鉏鋸

增

春始 秋成

陳氏樂書柷居宮縣之東象春物之成
始也敔居宮縣之西象秋物之成終也

出目短耳大胸燿後大體短脰若是者謂之羸屬恒有力而不能走其聲大而宏有力而不能走則於任重宜大聲而宏則於鐘宜若是者以為鐘虞是故擊其所縣而由其虞鳴銳喙決吻數目顧脰小體騫腹若是者謂之羽屬恒無力而輕其聲清揚而遠聞無力而輕則於任輕宜其聲清揚而遠聞則於磬宜若是者以為磬虞故擊其所縣而由其虞鳴小首而長搏身而鴻若是者謂之鱗屬以為筍凡攬綢援簪之類必深其爪出其目

堂下蓋祝敬器也夏擊所以作器也
器則卑而在下作器者尊而在上

筍虞一

原釋名曰所以懸鐘者橫曰筍筍峻也在上高峻也縱
曰虞虞舉也在旁舉筍也 毛詩曰設業設虞崇牙樹

羽注業筍上大板刻之捷業如鋸齒業上懸鐘磬增
處飾以崇牙也樹羽置五采之羽於崇牙之上

爾雅曰木謂之虞郭璞注曰懸磬之木曰虞 周禮冬官梓人為筍

虞天下之大獸五脂者膏者羸者羽者鱗者宗廟之事
脂者膏者以為牲羸者羽者鱗者以為筍虞厚唇弇口

入山林觀天性區別見成鑿然後加手

鑿以夾鐘也

說苑

曰秦博士對始皇陛下撞千石之鐘立萬石之虞增

淮南子曰闔閭伐楚破九龍之鐘虞郊祀志曰建章

未央長樂宮鐘虞銅人生毛時以為美祥原東觀漢

記曰東海王彊殿鐘虞之懸增晉王述傳曰桓溫平

洛陽欲移洛陽鐘虞述曰方蕩平區宇旋軫舊京不應

先事鐘虞文獻通考曰熊羆架隋於案下為熊羆羆

豹騰倚之狀象百獸之舞又施寶幃於上奏萬宇清月

作其鱗之而深其爪出其目作其鱗之而則於眦必撥
爾而怒苟撥爾而怒則於任重宜且其匪色必似鳴矣
原鬻子曰大禹為銘於筍虞銘言曰教寡人以道者
擊鼓教以義者擊鐘教以事者振鐸語以憂者擊磬語
以訟獄者揮鞀 離騷曰簫鐘兮瑤虞

筍虞二

原莊子曰梓慶削木為鐻見者驚猶鬼神魯侯問其術
對曰臣將為鐻未嘗敢以耗氣齋七日忘吾四支然後

銅鐵懸鐘磬

三輔舊事秦斂天下銅鐵皆著咸陽鑄作銅虞後魏明帝徙詣雒陽明堂位

夏后氏之龍筍虞鄭注云筍虞所以縣鐘磬者橫曰筍飾之鱗屬植曰虞飾之羽屬

殷之崇牙

周之壁翬

又云殷又於龍上刻畫之為重牙以縣絃也鄭注曰周又畫繪為翬載以壁垂五

采羽於其下挂於筍角上飾彌多也

箕以鱗為

虞由懸擊

並見筍虞一周禮

增蛟螭露

鷺鷥裝

唐韓愈詩蛟螭露箕虞唐段安節樂府雜錄宮縣四面每面

五架架即箕虞也其上安金銅仰陽以鷺鷥孔雀羽裝之兩面綴以流蘇以綵翠絃為之也

金人

仡仡

神虞熊熊

甘泉賦金人仡仡其承鐘虞兮嵌巖巖其龍鱗含元殿賦神虞如生熊

熊愕

甲丙庚壬

乙丁辛癸

玉海唐明宗時張濬修樂縣言舊制太清宮南

重輪等三曲亦謂之十二案樂 玉海曰宋元豐五年

葉防言箕虞之制不合禮經請詳考改正從之以防為

樂正

荀虞三

原畫大獸

雕小蟲

周禮梓人為箕虞天下大獸五脂者膏者羸者羽者鱗者注並雕畫

於樂縣上以明備物也 又云內骨外骨却行仄行連行紆行以脰鳴者以注鳴者以旁鳴者以翼鳴者以股

鳴者以胸鳴者謂之小蟲之屬以為雕琢

飾獸象

寫鳥形

說文箕虞縣鐘鼓之器飾

猛獸之象於其足 凡鐘鼓各有荀虞寫鳥獸之形大聲有力者以為鐘虞清聲無力者以為磬虞

鑄

以碣磬

唐杜甫享太廟賦
箕虞化以碣磬

二八嚴列

玉海羽虞崇
牙二八嚴列

元豐十二

又曰宋元豐四年詳定禮文所言儀禮大射
儀諸侯之制鐘磬鐸九則天子鐘磬鐸十二

虞為宮架明所有郊廟有司攝
事樂請改用宮架十二虞從之

筍虞五

原賦漢賈誼虞賦曰考太平以深志象巨獸之屈奇妙
雕文以刻鏤舒循尾之采垂舉其鋸牙以左右相指戴
高角之戔戔負大鐘而欲飛美哉爛兮亦天地之大式
原銘漢李尤鐘虞銘曰周因殷禮損益可知漢因於周

北郊社稷及諸侯廷用二十虞而太廟含元殿用三十
六虞非古乃復用二十虞而鐘虞四以當甲丙庚壬磬
虞四以當乙丁辛癸與開元禮之樂鑄鐘十二編鐘十
二編磬十二凡三十六虞宗廟與殿廷郊丘社稷則二
十虞面列去
編鐘各二虞
博山為飾 寶懔重施
虞文獻通考唐筍
蘇樹羽宮縣每架則金五博山軒縣則金三
博山鼓承以花趺覆以華蓋 下詳前二

筍虞四

原鋤齒之業

毛詩注
詳前一

碣磬之虞

揚雄長楊賦陳鍾鼓
之縣鳴鞀磬之和建

碣磬
之虞

猛虞趙趙

張衡西京賦洪鐘
萬均猛虞趙趙

猛虞高驤

傅元
朝會

賦猛虞化其高驤
樹羽憐以紛華

增在西在東

唐樂志磬虞在
西鐘虞在東

仡

拍板一

增文獻通考曰拍板長闊如手大者九板小者六板以

韋編之以為樂節蓋以代拊也

拊擊節也情發於中手拊足蹈拊者因其聲以

節舞窳茲部伎人彈指為歌舞之節亦拊之意也

宋朝教坊所用六板長寸

上銳薄而下圓厚以檀若桑木為之豈亦祝敔之變體

歟陳氏樂書曰宋優伶舞大曲前緩疊不舞至入破

時衆樂合作句拍益急舞者入場投節制容故有催拍

歇拍之異

猶若重規人因秦器事有可施鴻鐘怒虞物得其宜聲
揚遠聞文耀委迤

增判唐人樂縣畫蚡蜺判曰樂備鐘鼓功在雕刻必資
萬物之飾以助成器之雄況猛虞越越負箕疑疑縣以
千石扣乎萬鈞績而為形畢存旁行之彙微而裨著何
隔羽鳴之族所司昧禮未曰博通且考工之記實存其
目梓人之職亦著恒規畫伯益之能名咸一變而可變
事既有據形欲何施

其首篇曰說樂韓始見題即掩卷問曰且以拍板為什麼僧孺曰樂句二公大稱賞 研北雜志曰宋趙子固每醉歌樂府執紅牙以節曲紅牙拍板也

拍板三

增檀為

鐵作

上文獻通考詳一

文獻

草應歌

遲

韻書虞美人草為虞美人曲則草應拍而舞宋歐陽修詩曰歌遲檀板換新聲

無定板

可引繩

亘史善歌者有新腔而無定板合璧拍板啄木為舌可引作穿繩

中序方

始三疊之終

韻書霓裳曲散序六變無拍中序始有拍玉海唐王維有以按樂圖示之者

拍板二

增野記曰晉魏之代有宋纖善擊節以木拍板代之拍板始此 太真外傳曰沈香亭芍藥繁開上與妃子幸之詔選梨園弟子中尤者得十六色李龜年以歌擅一時手捧檀板押衆樂而前 唐段安節樂府雜錄曰拍板本無譜明皇遣黃幡綽造譜乃於紙上畫兩耳以進上問其故對曰但能聰聽則無失其節奏也 又王保定撫言曰韓愈皇甫湜一代龍門牛僧孺以所業謁之

法有吹角者此器俗名拔邏迴 明都印三餘贅筆曰

譙樓畫角之曲有三弄相傳為曹子建所作其初弄曰

為君難為臣亦難難又難再弄曰創業難守成亦難難

又難三弄曰起家難保家亦難難又難今角音之鳴鳴

者皆難字之曳聲耳 史岑武昌記曰武昌有龍山欲

雨上有聲如吹角 劉敬叔異苑曰永寧縣濤山有河

水色紅赤有自然石橋多魚獺異禽陰雨時嘗聞靴角

聲甚亮 文獻通考曰北齊諸州鎮戍各給鼓吹諸王

維曰此霓裳第三疊
拍也為一拍之終

拍板四

增詩唐朱灣詠拍板詩曰赴節心常在從繩道可觀須
知片木用莫向散材看空為歌偏若仍愁和節難既能
親掌握願得接同歡

角一

增宋樂志曰角長五尺形如竹筒本細末大未詳所起
今鹵部及軍中用之或以竹木或以皮無定制按古軍

鳳雙鳴二龍齊吟丹蛇繞首雄虹帶天橫吹雙角之實
不過如此樂錄亦云蚩尤氏率魍魎與黃帝戰於涿鹿
之野黃帝乃命吹角為龍吟以禦之 通禮義纂曰魏

武帝征烏桓軍士思歸乃減角為中鳴其聲尤更悲切
陳氏樂書曰晉陸士衡為河北都督聞衆軍警角鼓
吹謂其司馬孫拯曰我今聞此不如華亭鶴唳 又曰

晉大司馬桓溫屯中堂夜吹警角御史中丞司馬恬奏
劾大不敬厥明溫見之歎曰此兒乃敢彈我真可畏也

給赤鼓赤角皇子增給吳鼓長鳴角上州刺史給青鼓
青角中州以下及諸州鎮戍給黑鼓角皆有衣並同鼓
色焉 唐樂府雜錄曰鼓吹部有鉦鼓及角 宋陳氏
樂書曰胡角本應胡笳之聲通長鳴中鳴凡有三部宋
朝審定音樂更制鼓吹雖角之尺度均一聲比鐘律內
之乘輿行幸外之郡邑警備莫不奏之以為警嚴

角二

增文獻通考曰黃帝會羣臣於泰山作清角之音似兩

木柵岸以自庇士皆下馬跪坐持弓矢以待我軍矢不能及馬不能進綽和爾命吹銅角舉軍大呼其衆不知所為爭起就馬於是麾師畢渡

角三

增龍吟

虎吼

律書樂圖馬鳴角一曲三聲並馬上嚴警用之第一曰龍吟二曰彪吼三曰阿

聲其中鳴一曲二聲一為盪聲二為牙聲亦馬上警用之也其大者謂之簌邐迴

警夜悲

秋

黃帝內傳玄女請製角二十四以警夜唐杜牧聞角詩曰城角為秋悲更遠護霜雲破海天遙

金角

龍象

文獻通考銅角高昌之樂器也形如牛角長二寸西戎有吹金者銅角是也陶侃有

三國典略曰初魏世山推得三石角藏之武庫至是齊主入庫賜從臣兵器特以此角賜平秦王歸彥 齊

書曰王敬則母為女巫常謂人云敬則生時胞衣紫色後應得鳴鼓角人笑之曰汝子得為人吹角 南史曰

張興世致位給事中興世父謂之曰我雖田舍老公樂鼓吹汝可送一部行田時吹之興世曰此是天子鼓角非田舍公所吹 元史綽和爾傳大德元年帥師攻巴林之地巴林南有達魯噶河其將達蘭台阻水而軍伐

峴黃州鼓角亦多情送我南來不辭遠江南又聞出塞
曲半雜江聲作悲健誰言萬方聲一概鬪憤龍愁為余
變我記江邊枯柳樹未死相逢真識面他年一葉沂江
來還吹此曲相迎餞 元劉因聞角詩曰人間無物比
悠揚誰道一聲隨夜長餘哀到曉無尋處吹作南湖十
里霜 又黃庚聞角詩曰誰送寒聲入夢中遙知人在
戍樓東明朝梅嶺花飛雪未必多因昨夜風 李俊民
聞角集唐詩曰鐵馬狐裘出漢營

常建

瘴雲深處守孤城

奉獻金口角之說謂之吹金豈以金其口而名之耶或云本出吳越非也晉書安帝紀桓元製龍角或曰所謂亢龍角也大抵角頭象龍知兵心為軍容唐戎昱塞上曲樓心苦義纂軍中置角以司昏曉故角為軍容

角四

增詩唐白居易賦得邊角詩曰邊角兩三枝霜天隴上兒望鄉相並立向月一時吹戰馬頭皆舉征人手盡垂鳴鳴三奏罷城上展旌旗宋蘇軾過江夜行武昌山上聞黃州鼓角詩曰清風弄水月銜山幽人夜渡吳王

幸並進之以冠雅樂然其大者九竅以膚篥名之小者六竅以風管名之六竅者猶不失乎中聲而九竅者其失蓋與太平管同矣

膚篥二

增陳氏樂書曰唐天后朝有陷冤獄者其妻配入掖庭善吹膚篥乃撰別離難曲 明皇雜錄曰明皇幸蜀初入斜谷霖雨涉旬棧道雨中聞鈴音與山相應因採其聲為雨霖鈴曲梨園弟子善吹膚篥者張野狐為第一

劉禹錫

無端遇著傷心事

吳融鳴軋江樓角一聲

杜牧

簫簞一

增通典曰簞簞本名悲簞後乃以筚為首竹為管也

樂部曰簫簞者筚管也卷蘆為頭截竹為管制法角音九孔漏聲五音咸備唐編入鹵簿名為筚管用之雅樂以為雅管六竅之制則為鳳管旋宮轉氣以應六律者也
文獻通考曰唐九部樂有漆簫簞安國樂有雙簫簞樂圖所傳也
陳氏樂書曰簫簞宋朝元會乘輿行

增桃皮

竹管

通典桃皮簫簾卷桃皮以爲簾簾也下樂部詳一

儒者相傳

雅樂之冠

文獻通考簫簾或云儒者相傳蕃人吹角以驚馬後乃以筚爲首竹爲管下陳氏

樂書詳一

旋宮轉器

咀徵含商

又云簫簾後世樂家者流以其旋宮轉器以應

律管因譜其音爲衆器之首至今鼓吹教坊用之下唐溫庭筠詩詳後四

十字譜聲

三更塞曲

文獻通考今教坊所用簾簾上七孔後三孔以五九工尺上一四六勾合十字譜其聲

唐杜甫夜聞簾簾詩夜聞簫簾滄江上哀年側耳情所觸鄰舟一聽多感傷塞曲三更歎悲壯

簫簾四

增詩唐李賀申胡子簫簾歌曰
顏熱感君酒舍嚼蘆中

時從至蜀上因以曲授之 樂府雜錄曰德宗朝有將
軍尉遲青素善觱篥冠絕古今時幽州有王麻奴河北
推為第一手後訪謁尉遲因於高般涉調中吹一曲曲
終汗洽其背尉遲頷頤而已謂曰何必高般涉調也即
自取銀字管於平般涉調吹之麻奴涕泣愧謝自此不
復言音律矣元和太和以來有黃日遷劉楚材尚六六
皆能者大中以來有史敬約在汴州

觱篥三

急聲圓轉促不斷
轆轤轆轤似貫珠
緩聲展引長有條
有條直直如筆描
下聲乍墜石沈重
高聲忽舉雲飄蕭
又溫庭筠李相伎人吹箏篋歌曰
蠟煙如霧新蟾滿
門外平沙草芽短
黑頭丞相九天歸
夜聽飛瓊吹朔管
情遠氣調蘭蕙薰
天香瑞彩含細縕
浩然纖指都揭血
日暖碧霄無片雲
含商咀徵雙幽咽
軟縠疎羅共蕭瑟
不盡長圓疊翠愁
柳風吹破澄潭月
鳴梭浙瀝金絲蕊
恨語殷勤隴頭水
漢將營前萬里沙
更深一一霜鴻起

聲花娘簪綏安休睡芙蓉屏誰截太平管列點排空星
直貫開花風天上驅雲行今夕歲華落令人惜平生
又白居易小童薛陽陶吹簞簞歌曰剪削乾蘆插寒竹
九孔漏聲五音足近來吹者誰得名關摧老死李衮生
衮今又老誰其嗣薛氏樂童年十二指點之下師授聲
含嚼之間天與氣潤州城高霜月明吟霜思月欲發聲
山頭江底何悄悄猿鳥不喘魚龍聽翕然聲作疑管裂
訕然聲盡疑刀截有時婉軟無筋骨有時頓挫生稜節

作低韻同羗謳趙公一聞能解憂先生作歌君少留昔
曾天上聆鏘球翕如鸞鳳鳴丹丘聽之不厭兩耳浮便
當攜君跨雙虬拂衣和曲參天遊

御定淵鑑類函卷一百九十一

十二樓前花正繁
交枝簇蒂連璧門
景陽宮女正愁絕
莫被此聲摧斷魂
元朱德潤和趙李文
感篋吟曰高

堂風露生涼秋興來
乘月登西樓杜寬對
客被裋褐獨吹簫
篋驚羣優移商換羽
窮雕鏤篋篋匏笙聲
不侔梨園宮人清淚
收昔聞此曲供王侯
金花玉管蒼鳳頭當
筵咿啞和梁州緩急
應節如解牛清風席
上寒颼颼關山葉落
清渭流朝供暮奉何
時休歸來白屋書謾
抽走謁高貴多請求
撥刺驚魚度寒湫山
空鶴怨中夜愁時

八也九丘丘區也區別九州土氣教化所宜者也此皆三王以前上至義皇時書也惟堯典存 博物志曰聖

人制作曰經賢者著述曰傳因記訓曰詁因章句曰注

周官外史掌三皇五帝之書

詳史

增禮記王制曰樂

正崇四術立四教順先王詩書禮樂以造士春秋教以禮樂冬夏教以詩書 原又孔子曰入其國其教可知

也其為人也溫柔敦厚詩教也疏通知遠書教也廣博易良樂教也潔淨精微易教也恭儉莊敬禮教也屬辭

欽定四庫全書

御定淵鑑類函卷一百九十二

文學部一

經典總載
尚書

周易

經典總載一

原釋名曰經徑也如徑路無所不通可常用也 又曰
三墳墳分也論三才分天地人之始分也其體有三也
五典典鎮也制教法所以鎮定上下差等有五也八索
索素也著素王之法若孔子者聖而不王制此法者有

經易尚書詩禮樂也

古者以易書詩禮樂春秋為六經至秦焚書而樂經遂亡今以易詩

書禮春秋為五經

又禮有周禮儀禮禮記曰三禮春秋有左氏公羊穀梁三傳與易書詩通數亦謂之九經

又孔子為曾參說孝經孔子沒後諸弟子記其善言

謂之論語並行於世

孝經論語有鄭康成何晏等註

又曰經所以有

五何經常也有五常之道故曰五經樂仁書義禮禮易

智詩信也

廣雅曰昔在周公制禮以導天下著爾雅

一篇以釋其義 史記太史公自序曰易著天地陰陽

四時五行故長於變禮紀綱人倫故長於行書記先王

比事春秋教也易失之賊書失之誣詩失之愚春秋失

之亂禮失之煩

鄭注曰失謂不能節其教詩敦厚近愚書知遠近誣易精微愛惡相攻遠近相

取則不能容人近於傷害春秋習戰之事近亂禮主文物恭儉莊敬若不能節制則失於煩苛潔淨精

微而不賊則深於易者也疏通知遠而不誣則深於書

者也溫柔敦厚而不愚則深於詩者也屬辭比事而不

亂則深於春秋者也恭儉莊敬而不煩則深於禮者也

鄭注云深者既能以教人又防其失也

春秋孔演圖曰作法五經建之

天地稽之圖象質之三王施之四海也白虎通曰五

易以道陰陽春秋以道名分其數散於天下而設於四
國者百家之學或稱而道之 揚雄法言曰或問周官
曰立事左氏傳曰品藻 又曰書不經非書也 又曰
說天者莫辨乎易說事者莫辨乎書說體者莫辨乎禮
說志者莫辨乎詩說禮者莫辨乎春秋 增蘇子曰立
君臣設尊卑杜將漸防未萌莫過乎禮哀王道傷時政
莫過乎詩道陰陽悔吝莫過乎易明善惡廢興莫過乎
春秋量遠近賦九州莫過乎尚書和人情動風俗莫過

之事故長於政詩記山川谿谷禽獸草木牝牡雌雄故
長於風樂樂所以生故長於和春秋辨是非故長於治
人是故禮以節人樂以發和書以道事詩以達意易以
道化春秋以道義 前漢書藝文志曰六藝之文樂以
和神詩以正言禮以明體書以廣聽春秋以斷事五者
盡五常之道而易為之原 增隋書經籍志曰夫經籍
者所以經天地緯陰陽實仁義之鈞陶道德之橐籥也
原莊子曰詩以道志書以道事禮以道行樂以道和

者孔徒之所纂而詩書之襟帶也 王勃益州夫子廟
碑曰筐篚六經笙簧五典 又曰九師爭大易之門五
傳裂春秋之幅六經分於楚晉四始派於齊韓淹中之
妙鍵不追稷下之高風代起 舒元興問國庠記曰詩
書禮樂國之洪源也濬其源天下可以光潤室其源天
下為之憔悴 韓愈進學解曰上窺姚姒渾渾無涯周
誥商盤詰屈贅牙春秋謹嚴左氏浮夸易竒而法詩正
而葩

乎樂 邵子觀物內篇曰夫昊天之盡物聖人之盡民
皆有四府焉昊天之四府者春夏秋冬之謂也陰陽升
降於其間矣聖人之四府易書詩春秋之謂也禮樂汗
隆於其間矣 龜山楊氏曰六經先王經世之迹在焉
王守仁尊經閣記曰六經者吾心之籍記也 文心
雕龍宗經篇曰三極彛訓其書曰經經也者恒久之至
道不刊之鴻教也 事類篇曰夫經典沈深載籍浩瀚
實羣言之奧區而才思之神臯也 練字篇曰夫爾雅

儒林傳序曰漢興言易自淄川田生言書自濟南伏生
言詩於魯則申培公於齊則轅固生燕則韓太傅言禮
則魯高堂生言春秋於齊則胡毋生於趙則董仲舒

藝文志曰漢興有齊魯之說傳齊論者惟王陽名家傳
魯論者張氏最後而行於世 又曰孝經者孔子為曾

子陳孝道也 山堂肆考漢史陸又聰敏博學於五經

最精熟館中謂之石經人為語曰五經無對有陸又

韋賢傳曰韋賢字長孺子元成皆以明經位至丞相故

經典總載二

增左傳曰韓宣子適魯見易象與魯春秋曰周禮盡在
魯矣吾乃知周公之德與周之所以王也 又曰左史
倚相能讀三墳五典八索九丘 莊子曰孔子見聃不
許於是繙十二經以說老聃聃曰願聞其要也 又曰
孔子謂老聃曰丘治詩書禮樂易春秋六經於七十君
一無所用甚矣夫人之難說也老子曰幸子之不遇治
世之君也夫六經先王之陳迹也豈其然哉 前漢書

府 增後漢書儒林傳序曰光武中興愛好經術易有

施孟梁丘氏尚書歐陽大小夏侯詩齊魯韓毛禮大小
戴春秋嚴顏凡十四博士太常差次總領焉 又曰建

初中大會諸儒於白虎觀考詳五經同異肅宗親臨稱
制如石渠故事顧命史臣著為通義 丁鴻傳曰鴻字

孝公肅宗詔與諸儒論定五經同異於白虎觀鴻以才
高論難最明帝數嗟美焉時人嘆曰殿中無雙丁孝公
魯丕傳曰丕字叔陵性沈深好學孳孳不倦遂兼通

鄒魯曰遺子黃金滿籬不如教子一經 宣帝記曰甘露三年三月詔諸儒講五經同異太子太傅蕭望之等平奏其議上親稱制決焉廼立梁丘易大小夏侯尚書穀梁春秋博士 匡衡傳曰成帝即位衡上疏勸經學曰臣聞六經者聖人所以統天地之心及論語孝經聖人言行之要宜究其意 原劉歆七畧曰孝武皇帝勅丞相公孫弘廣開獻書之路百年之間書積如丘山故外則有太常太史博士之藏內則有延閣廣內秘室之

俱興 陶潛羣輔錄八儒篇曰顏氏傳詩為道為諷誦
之儒孟氏傳書為道為疎通致遠之儒漆雕氏傳禮為
道為恭儉莊敬之儒仲梁氏傳樂為道以和陰陽為移
風易俗之儒樂正氏傳春秋為道為屬辭比事之儒公
孫氏傳易為道為潔淨精微之儒 隋書儒林傳曰房
暉遠字崇儒恒山真定人世傳儒學暉遠幼有志行治
三禮春秋三傳詩書周易春秋牛弘每稱為五經庫
唐書徐曠傳曰曠字文遠以字行客偃師貧不能自給

五經元和元年徵再遷拜趙相門生就學者常百餘人
關東號之曰五經復興魯叔陵 井丹傳曰丹字大春
少受業太學通五經善談論故京師為之語曰五經紛
綸井大春 周舉傳曰舉字宣光博學洽聞為儒者所
宗故京師為之語曰五經縱橫周宣光 許慎傳曰慎
字叔重性惇篤少博學馬融常畏敬之時人為之語曰
五經無雙許叔重 太平御覽晉書曰劉殷有七子五
子各授一經一子授太史一子授漢書一門之內七業

五經正義 谷那律傳曰貞觀中累遷國子博士淹貫
羣書褚遂良常稱為九經庫 王元感傳曰直弘文館
年雖老讀書不廢晝夜所撰書糾謬春秋振滯禮繩愆
等凡數十百篇長安時上之魏知古見其書歎曰五經
指南也 韋放傳曰穆宗嘗問學經與史何先放曰六
經者聖人之言孔子所發明天人之極也史記道成敗
得失亦足以鑒然謬於是非非六經比帝曰吾聞學者
白首不能通一經安得其要乎對曰論語六經之菁華

兄文林鬻書於肆文遠日閱之因博通五經明左氏春秋世稱左氏有文遠禮有褚徵詩有魯達易有陸德明皆一時之冠云 顏師古傳曰師古字籀太宗即位拜中書侍郎帝常歎五經去聖遠傳習寢訛詔師古於秘書省考定多所釐正既成詔諸儒議師古輒引晉宋舊文隨方曉答人人歎服帝因頒所定書於天下學者賴之 孔穎達傳曰穎達字仲達八歲就學闇記三禮義宗及長明服氏春秋鄭氏尚書詩禮記王氏易受詔撰

聞汝南周敦頤論學遂慨然有求道之志泛濫於諸家
出入於老釋者幾十年返求諸六經而後得之 張載

傳曰范仲淹勸讀中庸猶以為未足又訪諸釋老累年
知無所得反而求之六經 朱熹傳曰嘗謂聖賢道統

之傳散在方冊經旨不明大道始晦於是研窮經訓著
易本義詩集傳大學中庸章句論語孟子集註熹沒朝
廷以其大學論孟中庸訓說立於學官又有儀禮經傳
通解未脫藁亦在學官 陸九淵傳曰九淵字子靜或

也孝經人倫之本也 啖助傳曰大歷時啖助趙匡陸

淳以春秋施士句以詩仲子陵袁彞常彤常蒞以禮蔡

廣成以易強蒙以論語皆自名其學而士句子陵最卓

異 宋史孫奭傳曰奭字宗古九經及第嘗奉詔與邢

昺杜鎬較定諸經正義 馮元傳曰元字道宗時詔流

內銓取明經者補學官元自薦通五經謝泌笑曰古治

一經或至皓首子尚少能盡通耶對曰達者一以貫之

更問疑義辨析無滯 程顥傳曰自十五六時與弟頤

各有纂言盡考傳注穿鑿以發其蘊 明紀洪武十四

年頒五經四書於北方學校謂廷臣曰夫五經載聖人之道者也譬之菽粟布帛家不可無 梁寅字孟敬臨江人隱居教授就徵修書書成將授以官辭結廬石門山四方士多從之學者稱為梁五經 永樂十二年十一月命儒臣纂修五經四書性理大全諭胡廣楊榮金幼孜曰五經四書皆聖賢精義要道傳註外諸儒論議有發明切當者其采附於下 陳繼字嗣初吳縣人貫

勸其著書曰六經註我我註六經又曰學苟知道六經
皆我註脚 魏了翁傳曰了翁至靖湖湘江浙之士不
遠千里負書從學乃著九經要義百卷訂定精密先儒
所未有 王應麟傳曰應麟字伯厚九歲通六經 金
史承暉傳曰承暉於五經皆經師授謹守百家之行不
為虛文 元史趙復傳曰先是南北道絕載籍不相通
至復以所著諸經傳注盡錄以付姚樞自復至燕學士
從者百餘人 吳澄傳曰少暇即著書於易春秋禮記

純議同榮乃許之案注七經詩書禮樂易春秋及論語

增鴻教

茂典

上詳總載一

唐書武德七年詔云六經茂典百王仰則

邊笥

任苑

後漢書邊韶傳云邊韶字孝先以文

學知名教授數百人韶口辨晝日假卧弟子私嘲之曰邊孝先腹便便懶讀書但欲眠韶潛聞之應時對曰邊

為姓孝為字腹便便五經笥拾遺記云任末年十四時學無常師負笈不遠險阻或依林木之下編茅為菴

削荆為筆剋樹汁為墨夜則映星月暗則縛麻蒿以自照書有合意者題其衣裳以記其事河洛秘典非正典

籍所載皆注記於柱壁及園林樹木有慕好學者來輒寫之時人謂任氏為經苑

道源

聖

海

宋文鑑羣居治五經序云夫五經道之源也唐文粹陸龜蒙蟹志云六經者聖人之海也

六同

歸

一以貫

前漢書禮樂志云六經之道同歸而禮樂之用為急中說周公篇云劉炫見子談

穿經史呼為陳五經初開弘文閣用楊士奇薦驛召為
五經博士 文衡宋濂禮部侍郎曾公神道碑曰公諱
魯字得之七歲能暗誦九經一字不遺 李舜樸字懋

欽東安人一意經術易書詩三禮左傳分日讀之每六

日一易

經典總載三

原六緯 七經

漢書藝文志云五經六緯 後漢書張純傳云純案七經議明堂圖河間古辟

雍記孝武太山明堂制度及平帝時議欲具奏之未及上會博士桓榮上言宜立辟雍明堂章下三公太常而

限歲而治

分年而試

唐書選舉志云凡治孝經論語共限一歲尚書公羊傳穀梁傳

各一歲半周易詩周禮儀禮各二歲禮記左氏傳各三歲性理大全朱熹科舉私議云凡易詩書為一科而

子年午年試之周禮儀禮及二戴記為一科而卯年試之春秋及三傳為一科而酉年試之

作代

典謨為世權衡

唐文粹賈至旌儒廟頌云先王作訓六經為代典謨宋文鑑孫何文贊

云詳文

章五 教學為先 人文之首

唐文粹長興二年詔云教學之道經籍為

先白居易與元九書云人之文六經首之就六經言詩又首之

筐篚笙簧 甲冑

箭鏃

王勃益州夫子廟堂碑詳總載一明文衡宋濂送陳教授序云六經汝甲冑四子汝箭鏃

大而難知 渾然無迹

宋桂郁春秋繁露序云六經道大而難知邵子觀物內篇云

六經唱其端終日不竭子曰何其多也炫曰
先儒異同不可不述也子曰一以貫之可矣
顯聖訓

發天言

文心雕龍曰經顯聖訓也緯隱神教也
文衡方希古石鏡精舍記云易詩書春秋禮

記非聖人之私言也天不言
而聖人發之則猶天之言也
心開若劑 手授如新

唐書尹知章傳云知章少雖學未甚通解忽夢人持巨
錐破其心內若劑焉志思開徹遂徧明六經
元史黃

澤傳云澤夢夫子手授所授六
經字畫如新由是深有感發
蓬池延問 滄浪涵

肆唐文粹劉禹錫韋處厚文集序云處厚通五經穆宗
即位延問大義退而上六經要言二十篇復詔荅之

賜以金紫
宋文鑑歐陽脩蘇舜欽墓志銘云携妻子
居蘇州買水石作滄浪亭日益讀書大涵肆於六經

粲粲如宿

落落如珠

顧子儀訓云三墳五典粲
粲如列宿落落如連珠

府藏 六經為庖厨 傳幹與蘇文師書云六經為庖厨百家為異饌也 道義之

淵海 抱朴子云正經為道義之淵海子書為增深之川流仰而比之則景星之佐三辰也俯而方之則林

薄之依嵩嶽也 文章之淵府 傳子云詩之雅頌書之典謨文質足以相副玩之若近尋之若

遠浩浩乎文章之淵府 增十二經 詳總載一 十三經 事物記原云以易詩書三

禮春秋三傳加孝經語孟爾雅謂之十三經焉 受七經 史記索隱云文翁使司馬相如等受七經

獻九經 元文類元明善董君神道碑云公諱陸秉傳入朝見光天宮奏曰臣聞帝王之道布在方

冊方冊之要無先六經臣輒獻九經伏望陛下采其所載資輔聖祖神宗之化嘉惠天下 經五涉

四類苑李固與弟書云昔嚴 經九通六 唐文粹歐陽

夫子經五涉四州九遊八

經九通六

唐文粹歐陽

夫聖人六經渾然無迹猶天道焉

五經為衆說之乳 八索著素王

之法

揚子法言云天地為萬物之乳五經為衆說之乳 下詳總一

經典總載四

原六籍

班固東都賦云蓋六籍所不能談前聖靡得而言焉謹案六籍六經也

六藝

淮南

子云五行異氣而皆和六藝異用而皆通

五經則四海傳記則四瀆

楊泉物理

論云夫五經則四海也傳記則四瀆也諸子則涇渭也至於百川溝洫澮苟能通陰陽之氣達水泉之流以

四海為歸者皆溢也

三墳為金玉五典為琴箏

抱朴子云退隱之士以三墳為

金玉五典為琴箏講肄為鐘鼓百家為笙簧

五經為府藏

高彪集云雜藝為庖厨五經為

宇宙含照生靈

明文衡金寶七更云聖人之言世謂之經囊括宇宙含照生靈詳七

嘉

論之林藪文義之淵海

太平御覽桓譚時論云易一曰連山二曰歸藏三曰周易古文

尚書禮記論語孝經嘉論之林藪文義之淵海也

羣言之奧區才思之神皋

見總載一

經典總載五

原詩晉傅咸孝經詩曰立身行道始於事親上下無惡

不敢惡人

一作不惡於人

孝無終始不離其身三者備矣以臨

其民以孝事君不離令名進思盡忠不議則爭

一作義則不爭

禮記記云聖祖三
刊經九公通其六

心醉六經

中說事君篇云子遊河
澗之渚河上丈人曰何

居乎斯人也心若醉六經目若營四海文
中子去之薛收曰何人也子曰隱者也

手注六經

宋史趙汝歡傳云汝歡字悅
道燕懿王八世孫手注六經

開億兆之心靈啓羣生

之耳目

文苑英華李令琛書史百家對云即有姬公秀
出制禮樂以匡周宣父挺生刪詩書而反魯莫

不憲章文武祖述唐虞開億
兆之心靈啓生人之聞見

浩若江海高若丘山

唐文

粹李翱答進士王載言書云浩乎
若江海高乎若丘山六經之辭也

幽於鬼神妙於元

造皮日休移成均博士書云六籍儀利乎
萬世其幽幽于鬼神其妙妙于元造

經緯天地

輝光日月

宋文鑑朱光庭請用經術取士疏云
夫六經之文經緯天地輝光日月

囊括

嶠經詩曰漢室鴻儒盛鄒堂大義明五千道德闡三百
禮儀成青紫方拾芥黃金徒滿籬誰知懷逸辯重席冠
羣英

原賦後漢杜篤書檉賦曰惟書檉而麗容象君子之淑
德載方矩而履規加文藻之修飾能屈伸以和禮體清
淨而坐立承尊者之至意惟高下之消息雖轉旋而屈
撓時傾斜而反側抱六藝而卷舒敷五經之典式增
唐許堯佐五經閣賦曰於是六籍咸萃百代無遺恭儉

匡救其惡災害不生孝悌之至光於神明 又論語詩
曰守死善道磨而不磷直哉史魚可謂大臣見危授命
能致其身其一克己復禮學優則仕富貴在天為仁由己
以道事君死而後已 梁武帝撰孔子正言竟述懷詩

曰志學恥傳習弱冠闕師友愛悅夫子道正言思善誘
刪次起實沈殺青在建酉孤陋乏多聞獨學少擊叩仲
冬寒氣嚴霜風折細柳白水凝澗溪黃落散堆阜康哉
信股肱惟聖歸元首獨歎予一人端然無四友 唐李

火水火吾見蹈而死者矣未見蹈仁而死者也

原銘後漢李尤經撓銘曰瞻之在前忽焉在後進新習
故不舍于口子在川上逝者如斯及年廣學無問不知
原啓梁劉孝綽謝為東宮奉經啓曰皇太子四術夙知
三善非學猶復旁求儒雅應物稽疑業光夏校德茂周
庠諸侯宋魯於焉觀則參陪盛禮莫非國華臣雖職典
經圖而同官不一推擇而舉尚多髦俊寵光曲被獨在
選中他日朝聞猶甘夕死况茲恩重彌見生榮

之教比事之辭虞夏商周之五典國風雅頌之四詩既
精微之與廣博莫不森羅而在茲文移科斗之質字列
魚魯之奇軸星攢而花散帶蜺舒而草滋櫛櫨風來動
芸香之苾苾綺疏日映見鉛槧之累累

原贊晉王凝之妻謝氏論語贊曰衛靈公問陳於孔子
孔子對曰俎豆之事則嘗聞之軍旅之事未之學也庶
則大矣比德中庸斯言之善莫不歸宗麤者乖本妙極
令終嗟我懷矣興言攸同孔子曰民之於仁也甚於水

孟喜梁丘賀京房費直高相又東漢鄭玄魏王弼並注
易施孟諸家自漢及魏並得立而傳者甚衆至西晉梁
丘施高三氏亡孟京二氏有書無
師而鄭玄王弼所傳則費氏之學
周禮春官太卜掌

三易之法一連山二歸藏三周易其經卦皆八別六十
有四以八命贊易之占 增禮記曰昔者聖人建天地
陰陽之情立以為易 易乾鑿度孔子曰易卦六十四
分而為上下象陰陽也陽道純而奇故上篇三十以象
陽陰道不純而偶故下篇三十四以象陰 鄭玄易論
曰易一名而含三義易簡一也變易二也不易三也

周易一

原劉熙釋名曰易者言變易也 帝王世紀曰庖犧氏

作八卦神農重之為六十四卦黃帝堯舜引而伸之分

為二易至夏人因炎帝曰連山殷人因黃帝曰歸藏文

王廣六十四卦著九六之爻謂之周易 漢書曰文王

重易六爻作上下篇孔子為彖象繫辭文言序卦之屬

十篇故曰易道深矣人更三聖代厯三古

周易正義曰
伏羲重卦周

公作爻辭此說與帝王世紀不合又孔子作十篇亦曰
十翼初卜商為易傳至兩漢傳之有能名家者有施讐

卦文王推八卦以合河圖河圖者先天後天之宗祖也

新語道基篇曰乾坤以仁和合八卦以義相求 中

說問易篇曰卦者智之鄉也動之序也 通書精蘊章

曰易何止五經之源其天地鬼神之奧乎 正蒙曰易

一物而三才陰陽氣也而謂之天剛柔質也而謂之地

仁義德也而謂之人 讀書錄曰畫前之易即太極也

太平御覽王粲荊州文學官志曰夫易惟談天入神

致用故繫稱旨遠辭文言中事隱韋編三絕固括人之

孔穎達正義曰夫易者變化之總名改換之殊稱程

頤易傳序曰易變易也隨時變易以從道也孝經援

神契曰易長於變書考命符授河

宋均注曰授河者授河洛以考命符也

京房易傳曰乾坤者陰陽之根本坎離者陰陽之性

命王弼周易明象篇曰言者所以明象得象而忘言

象者所以存意得意而忘象猶蹄者所以在兔得兔而

忘蹄筌者所以在魚得魚而忘筌然則言者象之蹄也

象者意之筌也宋史王柏傳曰伏羲則河圖以畫八

周易二

增易通卦驗曰遂皇始出握機矩表計冥其刻白蒼牙

通靈

伏羲

昌之成

文王

孔寅命明道經伏易作易仲命德維

紀衡

仲謂仲尼四仲之卦震兌坎離也維者四角之卦艮巽坤乾也周文增通八八之節轉序三百八十

四爻以繫正命之瑞故正其本而萬物理矣差之毫釐失之千里

禮記孔子曰我欲

觀殷道是故之宋而不足徵也吾得坤乾焉高士傳

曰田何字子莊齊人自孔子受易五傳至何惠帝時何

年老家貧守道不仕帝親幸其廬以受業終為易者宗

驪淵也 顏延之庭誥曰易首體備能事之淵 唐文

粹陸贄奉天請延訪朝臣表曰通天下之情者莫智於
聖人盡聖人之心者莫深於易象 宋文鑑游酢孫莘

老易傳序曰易之為書該括萬有而一言以蔽之則順
性命之理而已 玉海荀爽曰乾起坎而終於離坤起
離而終於坎坎離者乾坤之象而陰陽之府 朱震曰
文王作易以乾坤坎離為上經之用以艮兌震巽為下
經之用

曰丹字子玉世傳孟氏易建武初為博士作易通論七篇世號注君通丹學義研深易家宗之號為大儒 晉書王湛傳曰湛字處仲幼有隱德人莫能知兄子濟每輕之嘗詣湛見牀頭有周易問曰叔父何用此為湛曰體中不佳時脫復看耳濟請言之湛因剖析元理皆濟所未聞也乃歎曰家有名士三十年而不知濟之罪也唐書王勃傳曰勃字子安嘗讀易夜夢若有告者曰易有太極子勉思之寤而作易發揮數篇 衛大經傳

前漢書丁寬傳曰寬字子襄初梁項生從田何受易
時寬為項從者讀易精敏才過項生遂事何學成何謝
寬寬東歸何謂門人曰易已東矣 朱雲傳曰雲字游
時少府五鹿充宗為梁丘易元帝好之欲考其異同令
充宗與諸易家論辨諸儒莫敢抗有薦雲者召入抗首
而請連拄五鹿君故諸儒為之語曰五鹿嶽嶽朱雲折
其角 後漢書張興傳曰興字君上拜太子少傅顯宗
數訪問經義弟子著錄至萬人為梁丘家宗 注丹傳

常人見昭素對曰此書非聖人不能合其象 李穆傳

曰穆字孟雍從酸棗王昭素受易盡究其義素謂曰子
所能得精理往往出吾意表以所著易論授之 馮元

傳曰元字道宗真宗試進士殿中召元講易元進說曰
地天為泰者以天地之氣交也惟上下相與則可以輔
相天地財成萬物帝說七歲讀易母夜夢異人以紺蓮
華與元吞之且曰讀此後必貴顯 范仲淹傳曰仲淹
字希文汎通六經長於易學者多從質問 張載傳曰

曰大經遠於易人謂之易聖 龍城錄唐上元中道士

王遠知善易作易總十五卷一日曝書雷雨忽至冥霧
中一老人下叱曰所注書何在帝令吾攝六丁雷電追
取遠知傍徨據地旁見青衣已捧書立矣老人責曰上
方禁書何得混藏緇帙遠知戰懼對曰青丘元老傳授
也 宋史王昭素傳曰昭素博通九經尤精詩易以王
韓鄭馬為未盡乃著易論三十篇開寶中李穆薦之朝
召見於便殿令講乾卦至飛龍在天上曰此書豈可令

山具是矣乃歸卒業 李椿傳曰椿字壽翁年三十始

學易其言於朝廷措諸行事皆易之用朱熹嘗銘其墓

謂其逆知得失不假著龜 金史高仲振傳曰仲振博

極羣書尤深易皇極經世 元史張特立傳曰特立字

文舉通程氏易所著書有易集傳 余闕傳曰闕字廷

心守安慶時羣盜環布四外闕居其中少暇即注周易

明紀永樂二年九月侍講學士王達侍皇太子進講

乾九四爻舉儲貳為說皇太子召楊士奇問曰達不

載字子厚常坐虎皮講易京師聽從者甚衆一夕二程至與論易次日語人曰比見二程深明易吾弗及也汝輩可師事之撤坐輟講邵雍傳曰雍字堯夫北海李之才攝其城令聞雍好學嘗造其廬謂曰子亦聞物理性命之學乎乃事之才受河圖洛書妙悟神契遂衍宓義先天之旨著皇極經世觀物內外篇羅從彥傳曰從彥字仲素嘗從楊時講易至乾九四爻云伊川說甚善鬻田走涪見頤問之頤反覆以告從彥謝曰聞之龜

之為書也屢遷變動不居周
流六虛注曰六虛六位也

言樞 道篇

又曰言行
君子之樞

機 易乾鑿度曰易者易也變易也不易也管三成德
為道苞籥鄭玄注曰管猶兼也一言而兼此三事以成

其德道之苞籥齊魯之間
名門戶及藏器之管為籥

擬議 範圍

周易曰擬之
而後言議之

而後動擬議以成其變化 又曰範圍天地之化
而不過王弼注曰範圍者擬範天地而周備其理

幽

贊 發揮

易說卦曰昔者聖人之作易也幽贊於神
明而生著 又曰發揮於剛柔而生爻

九師 五子

劉向別錄曰所校讐中易傳淮南九師道
訓除複重定著十二篇淮南王聘善為易

者九人從之采獲者曰淮南九師書 又曰所校中易
傳古五子書除複重定著十八篇分六十四卦著之日

辰自甲子至于壬子凡五子
故號曰五子以上俱初學記

知命 斷志

上天知命
子曰昔

譏否士奇對曰此本宋儒胡瑗之說也曰常人得此爻
亦舉此說乎士奇曰程子云凡卦六爻人人有用君有
君用臣有臣用無所不通皇太子大悅 吾學編吳與
弼傳曰白沙常以周易疑義相質與弼曰過清河可叩
龍潭老人白沙往謁適龍潭雨中蓑笠犁田延至其家
與之對榻信宿辨析疑義白沙歎服而去

周易三

原八卦 六虛

周易曰易有太極是生兩儀兩儀生四象四象生八卦八卦定吉凶又曰易

畫卦而文王繫之不逮省文矣以為文王病也負苓者
曰昔者伏羲之未畫也三才其不立乎四序其不行乎
百物其不生乎萬象其不森乎何營營乎而費盡也
宋史譙定傳曰初程頤之父珦嘗守廣漢頤與兄顥隨
侍遊成都見治筏種橘者挾冊就視之則易也欲致詰
而筏者先曰若嘗學此乎因指未濟男之窮兄弟渙然
有所省翼日再過之則去矣其後袁滋入洛問易于頤
頤曰易學在蜀爾盍往求之滋入蜀訪尋久無所遇已
而見賣醬薛翁於眉

天心 月窟

張說麓正殿賜宴
應制詩曰誦詩聞

邛間與語大有所得

國政講易見天心

邵雍觀物詩曰

原一生兩

游

乾遇巽時為月窟地逢雷處即天根

孫莘老易傳序曰三極之道皆原於

觀兔烹魚

性理

一 易啟蒙曰聖人畫卦自兩而生
大全程子曰若果無圖書八卦亦須作因見賣兔者曰
只觀此兔亦可作八卦
邵雍漁樵對問曰漁者垂釣

者聖人之作易也建陰陽天地之情立
以為易雖有明智之心必進斷其志焉
增翠嬌白

巖河圖挺輔佐云天老告黃帝云河有龍圖洛有龜書
帝有翠嬌之川有大魚出魚沒而圖見山堂肆考

曰紹聖間程頤削籍竄涪居白
蒼牙赤鳥上詳周

巖注易淵源所漸皆為名士
易通卦驗曰文王

得赤鳥而演易
道化達微上詳總裁一駱賓

曰書不盡言言不盡意然則義在乎象非書
無以達其微辭隱乎情非言無以鑒其旨
嶽嶽

鑿鑿上詳易二後漢書楊政傳曰政字子行從代郡
范升受梁丘易善說經京師為之語曰說經鑿鑿

揚子負苓治筏王績負苓者說曰文中子講道於
白牛之溪程氏退省於松下語周

易薛叔曰不及伏羲氏乎何辭之多也哉而有負苓者
曰吾子何歎也叔曰吾聞之師曰易者道之源也伏羲

易薛叔曰不及伏羲氏乎何辭之多也哉而有負苓者
曰吾子何歎也叔曰吾聞之師曰易者道之源也伏羲

易薛叔曰不及伏羲氏乎何辭之多也哉而有負苓者
曰吾子何歎也叔曰吾聞之師曰易者道之源也伏羲

得乾坤

終蒙艮

上見易二 朱子通書蒙艮章注曰靜者為主故以蒙艮終焉

感為體

智之鄉

世說曰殷荊州仲堪曾問遠公云易以何為體荅曰易以感為體銅山西

崩靈鍾東應便是

察時變

發天真

韓休蘇頌文集序曰易有四象

易也 下見上一

有天文焉有人文焉所以察時變而觀化也 明桑悅感懷詩曰義經發天真

祖三皇

更

四聖

邵雍觀物內篇曰孔子贊易自義軒而下祖三皇也 蔡九峯洪範皇極經世序曰易更四聖而象

已著範錫神禹而數不傳

知進退

識親疎

邵雍閒行吟曰否泰悟來知進退乾坤見

了識

九聖微言

數年加學

九聖之微言自伏羲至孔子曰加我數

年五十以學易知命之年乃讀至命之書

下學上達

彰往考來

鈎深

於伊水之上樵者過之折薪烹魚而食之既而論易

金板

玉笈

拾遺記夏禹篇曰見一神

蛇身人面禹因與語神即示八卦之圖列於金板之上龍城錄曰王遠知作易總老人攝六丁追取曰上方

禁書自有飛天保衛玉笈金料秘藏元都下詳易二

生兩儀

類萬物

易繫辭云易有

太極是生兩儀云云韓注曰太極者無稱之稱無不可得而名取有之所極況之太極者也夫有必本于無兩

儀天地也四象春木夏火秋金冬水八卦乾坤之屬也又云伏羲仰觀象于天俯觀法于地觀鳥獸之文與

地之宜近取諸身遠取諸物于是始畫八卦以通神明之德以類萬物之情

仲尼讚宣

子見

八卦之說謂之八索求其義也又仲尼讚易道以點八索傳曰韓宣子觀書太史氏見易象與魯

春秋曰周禮盡在魯矣吾乃今知周公之德與周之所以王也易象曰周公所作爻辭也故云乃知周公之德

三才包括萬理
下見上

內象外象 方圖圓圖

皇極經世書曰
易有內象理數

是也有外象指定一物而不變者是也
性理大全胡氏曰方圖見卦畫之所以立圓圖見卦氣之所以行

二十四氣 三十六宮

蘇轍古史考曰伏羲造八卦始作三畫以象二十四氣

邵子觀物詩曰天根月窟時來往三十六宮總是春熊氏注云三十六宮此就先天八卦圖看以八卦圓圖言之乾三畫坤六畫則數九也震坎艮各五畫則數十五也巽離兌各四畫則數十二也合之為三十六宮云

雪菴和尚 龍潭老人

吾學編雪菴和尚傳曰和尚名暨不知其姓靖難初落髮

為僧走重慶有隱士杜景賢知和尚非常人與之遊往來白龍諸山山旁有松柏灘為寺居之昕夕誦經山中人不知書且謂誦佛經乃不知其誦易乾卦也
下見上

索隱 通幽洞元 設卦明象 觀爻立辭 通乾流

坤 包河統洛

正義春秋緯曰河以通乾出天苞洛以流坤吐地符下見後元表桷七觀

誦易滅怪 說卦息爭

北齊書權會傳曰會字正理貧無僕隸初任助教恒乘驢

上下會夜出城鐘漏已盡會獨乘驢忽有一人牽頭一人隨後有異生人漸漸失路心甚怪之遂誦易經上篇一卷不盡前後二人忽然離散宋史劉清之傳曰高安李好古與族人以財為訟見清之據章清之為說訟

家人二卦好古惕然遽舍所訟市程氏易以歸卒為善士

三爻足矣 一言蔽之

吳志虞翻別傳曰翻初立易注奏上曰臣郡吏陳桃亭臣與道士相遇布易六爻撓其三以飲臣曰易道在天

三爻足矣下詳道篇注

貫通三才

該括萬有

宋史郭雍傳雍之言曰易貫通

與天地準故能彌綸天地之道仰以觀天文俯以察地理是故知幽明之故原始反終故知死生之說

感而遂通

繫辭云易無思也無為也寂然不動感而遂通天下之故非天下之至神其孰能與於此

寂然不動

詳見上

見天下之賾

又云聖人有以見天下之賾而擬諸其形

容象其物宜是故謂之象謹案賾深也妙也此聖人制易必有所以能見天下之深妙極理故以乾坤則剛柔

各有其體萬物各有

成天地之文

又云參伍以變錯綜其數通其變遂

所宜即是卦象也

成天地之文極其數遂定天下之象非天下之至變其孰能與于此

上經象天下經叶

歷

春秋說題辭曰易者氣之節舍五精宣律歷上經象天下經叶歷也

定吉凶

繫辭云八卦定

吉凶吉凶生大業謹案八卦既立則有得失故吉凶可定也

示悔吝

蘇子云道陰陽示悔吝莫

周易四

原發揮於剛柔

易說卦云云謹案發揮發散也此明剛柔發散變動相趨而生爻位

觀

變於陰陽

易說卦云云韓注曰卦象也卦則雷風相薄山澤通氣擬象陰陽變化之體也

鈞

深致遠

繫辭云探賈索隱鈞深致遠以定天下之吉凶成天下之亹亹者莫大乎蓍龜謹案亹亹煩多

貌此明蓍龜能探取妙賈索求隱藏鈞引極深要致殊遠也

窮理盡性

說卦云窮理盡性以

至於命案孔疏曰蓍數既生爻卦又立易道周備無理不盡聖人用之上以和協順成聖人之道德下以治理斷人倫之正義又能窮極萬物深妙之理究盡生靈所稟之性物理既窮生性又盡至于一期所稟之命莫不窮其短長定其吉凶故曰和順于道德而理於義窮理盡性以至於命也

彌綸天地

繫辭云易

義文之易

文選

性命之理

以斷天下之疑知性命之理

六爻之變

三絕之勤

孔子讀易韋編三絕

玄奧之言

精微之義撮

造化之樞

達剛柔之變

顯天地之奧

知鬼神之

情

以上俱白帖

清明條達易義也

淮南子

增易聖

見上

易

癡

明詩紀事周之翰字申甫華亭人博極羣書尤精易學自號易癡道人

得河內

隋書經籍

志曰秦焚書周易獨存惟失說卦三篇後河內女子得之

得閭中

宋史尹焞傳曰焞自商州奔蜀

至閭得程頤十卦于其門人吳稽中又得全卦于其壻邢純拜而受之

畫前有

邵雍詩曰須信

畫前原有易始知刪後更無詩

畫上生

性理大全程子曰河圖洛書其始止於畫上便生義

過於易

其旨遠其辭文

繫辭云其旨遠其辭文其言曲而中其事肆而隱謹案聖人之

制易其旨趣玄遠其文辭華美隨爻辭變動而委曲皆中其理百事皆顯也

天下之至變

繫辭見前案此則大易至極變通故能知天下之事若非此道誰能參與於此也

天下之至

精又云是以君子將有為也將有行也問焉而以言其受命也如嚮無有遠近幽深遂知來物非天下之至

精其孰能與于此

聖人之道四焉

又云易有聖人之道四焉以言者尚其辭以動者尚

其變以制器者尚其象以卜筮者尚其占案此明聖人制易以顯聖道令物慕尚也

聖人以此

洗心

繫辭云云案此明聖人用大易之道洗滌已心及萬物之心也孔疏云萬物有疑則卜之是蕩其疑

心行善則吉行惡過凶是蕩其惡心也

讚以微言

仲尼

詳其大義

輔嗣

四十餘康之申王
難顧遠有情理

黜鄭置王

玉海晁說之曰易雜老莊而專明人事則自王

弼始江左祖尚玄虛弼學滋盛然晉專立鄭學宋元嘉王鄭兩立顏延之為祭酒而黜鄭置王

精微

在易

性理大全陳氏曰昔夫子之道其精微在易而所以語門人皆日用常道未嘗及易也

踐

履是易

又尹氏曰趙岐謂孟子通五經尤長于詩岐未為知孟子者孟子踐履處是易也

以

艮名室

文獻通考陳氏曰郭雍願正自言其父忠孝受學於程伊川伊川示以易之艮曰艮止也學道

之要無出於此自是覺讀易有味勝其室曰兼山

以復為佩

宋史劉子翬傳曰朱熹請益于

翬告以易之不遠復三字俾佩之終身以為學易者當先復

畫沙成卦

又朱熹傳曰少從羣

兒戲沙上獨端坐以指畫沙視之乃八卦也

畫地為卦

元史巴延傳曰巴延生二歲嘗以指

讀易洞

宋史譙定傳曰定字天授學易於郭叢氏蓋象數之學也一日至汴閤程頤講道於洛棄其學

而學焉後顧貽涪北山有巖師友遊泳其中涪人名之曰讀易洞

寫易軒

明文衡王稌寫易軒

記曰以憑方太史晚益好易嘗即寫易之軒而以寫易名之

至損而歎

說苑正諫篇曰孔子

讀易至于損益則喟然而歎于夏避席而問曰夫子何為歎孔子曰夫自損者益自益者損吾是以歎也

至賁而歎

又反質篇曰孔子卦得賁喟然仰而歎息意不平于張進舉手而問曰師聞賁者吉卦而

數之乎孔子曰賁非正色也是以歎之

一名二義

易乾鑿度曰易一名而含二義所謂不易

也變易也

一物三才

見上

能事之淵

見上

生民之府

邵雍觀物

內篇曰易為生民之府

申王難顧

南史闕康之傳曰康之字伯愉晉陵顧悅之難王弼易義

數云

交易為體變易為用

薛瑄讀書錄曰交易為體以定位言天地上下四方

是也在橫圖上變易為用以流行言寒暑往來是也在圓圖上

先天宗乾後天宗震

性理大全陳氏曰統天者莫若乾先天卦位宗一乾也主晷者莫若長子後天卦位宗一震也

上經

起三下經終四

皇極經世書曰坤統三女于西南乾統三男於西北上經起於三下經終於四

皆交泰之義也

乾坤縱而六子橫震兌橫而六卦縱

又云乾坤縱而

六子橫易之本也震兌橫而六卦縱易之用也

著德圓以況天數卦德方以

況地數

又曰著德圓以況天數故七七四十九著卦德方以況地數故八八六十四卦

周易五

畫地或三或六若為卦者

文字之祖

性理大全朱子曰此易之為書文章之祖義理之宗也

性命之源

通書曰大哉易也其性命之源乎

乾坤易之門

易繫辭曰乾坤

其易之

陰陽易之馬

明彖悅感懷詩曰陰陽易之馬天地道之府

潔淨

門邪

精微之儒

羣輔錄八儒篇曰公孫氏傳易為道為潔淨精微之儒

物理性命之

學

見上

決嫌疑定猶豫

啓蒙序曰聖人觀象以畫卦推著以命爻使天下之人皆有以

決嫌疑定猶豫

大父母小父母

邵雍八卦正位圖曰乾坤大父母也故能生八卦復姤小

父母也故能生六十四卦

先天易後天易

性理大全朱子曰據邵氏說先天者伏羲所畫

之卦也後天者文王所演之卦也

著以七備卦以八用

玉海唐一行專明大衍之

增贊宋朱熹易象贊曰太極肇判陰降陽升陽一而施
陰兩而承惟皇昊義仰觀俯察奇偶既陳兩儀斯設既
幹乃支一各生兩陰陽交錯以立四象奇加以奇曰陽
之陽奇而加耦陰陽以章耦而加奇陰內陽外耦復加
耦陰與陰會兩一既分一復生兩三才在目八卦指掌
奇奇而奇初一日乾奇奇而耦兌次二焉奇耦而奇次
三曰離奇耦而耦四震以隨耦奇而奇巽居次五耦奇
而耦坎六斯睹耦耦而奇艮居第七耦耦而耦八坤以

原詩晉傅咸周易詩曰卑以自牧謙尊而光進德修業
既有典常輝光日新照於四方小人勿用君子道長
增宋邵雍乾坤吟曰用九見羣龍首能出庶物用六利
永貞因乾以為利四象以九成遂為三十六四象以六
成遂為二十四如何九與六能盡人間事 朱熹易詩
曰立卦生爻事有因兩儀四象已前陳須知三絕韋編
者不是尋行數墨人 又曰潛心雖出重爻後著眼何
妨未畫前識得兩儀根太極此時方好絕韋編

原書後漢孔融荅虞仲翔書曰示所著易傳自商瞿以
來舛錯多矣去聖彌遠衆說騁辭曩聞延陵之理樂今
覩吾君之治易知東南之美者非但會稽之竹箭焉又
觀象雲物察應寒溫原本禍福與神會契可謂探賾窮
道者已方世清聖上求賢者梁丘以卦筮寧世劉向以
洪範昭名想當來翔追蹤前烈相見乃盡不復多陳
增序唐孔穎達周易正義序曰夫易者象也爻者效也
故能彌綸宇宙酬酢神明斯乃乾坤之大造生人之所

畢初畫為儀中畫為象上畫成卦人文斯朗因而重之
一貞八悔六十四卦由內達外交易為體往此來彼變
易為用時靜而動降帝而王傳夏歷商有占無文民用
弗彰文王繫彖周公繫爻視此八卦二純六交乃乾斯
父乃坤斯母震坎艮男巽離兌女離南坎北震東兌西
乾坤艮巽位以四維建官立師命曰周易孔聖傳之是
為十翼遭秦弗燼及宋而明邵傳義畫程演周經象陳
數列言盡理得彌億萬年永著常式

以廣聽 尚書正義曰上世帝王之遺書有三墳五典
訓誥誓命孔子刪而序之斷自唐虞以下迄于周凡百
篇以其上古之書故曰尚書遭秦滅學並亡漢興濟南
人伏勝能口誦二十九篇至文帝時欲立尚書學以勝
且九十餘老不能行乃詔太常掌故晁錯就其家傳受
之伏生為尚書傳四十一篇歐陽大小夏侯傳其學各有能名是曰今文尚書劉向五行傳蔡邕勒石經皆其本也其後魯共王壞孔子故宅於壁中得古文尚書論
語悉以書還孔氏武帝乃詔孔安國定其書作傳義五

益也若夫圖出于河則八卦宣其象麟傷于野則十翼彰其用業資九聖時厯三古及秦亡金鏡未墜斯文漢理珠囊重興儒雅其傳易者西都則有丁孟京田東都則有荀劉馬鄭大體更相祖述非有絕倫惟魏世王輔嗣之注獨冠古今江左諸儒競傳其學河北學者罕能及之

尚書一

原釋名曰書者言書其時事也 前漢書藝文志曰書

以觀義五誥可以觀仁甫刑可以觀誠遇斯七者則書

之大義舉矣孔子曰書之於事也遠而不闊近而不息

志盡而不怨辭順而不詬法言曰虞夏之書渾渾爾

商書灝灝爾周書噩噩爾下周者其書誰乎中說曰

不學書無以制議邵子觀物內篇曰書為長民之府

劉歆七畧曰尚書直言也王粲荊州文學官志曰

尚書則覽文如詭而尋理即暢陸質復友生論文書

曰書則記言之史也文獻通考石林葉氏曰書非一

十八篇

安國書成後遭漢巫蠱事不行至魏晉之際榮陽鄭沖私於人間得而傳之獨未施行東晉汝

南海贖奏上始列於學官此為古文尚書

伏羲神農黃帝之書謂之三墳

孔安國尚書序云言大道也

少昊顓頊高辛唐虞之書謂之五典

孔安

國尚書序云

文心雕龍曰聖賢言辭總為尚書 增

言常道也

孔叢子曰子夏問書大義子曰吾於帝典見堯舜之聖焉於大禹皋陶謨益稷見禹稷皋陶之忠勤功勲焉於洛誥見周公之德焉故帝典可以觀美大禹謨禹貢可以觀事皋陶謨益稷可以觀政洪範可以觀度秦誓可

多艱澀而古文反平易或者謂紀錄之實語難工而潤色之雅辭易好故訓詁誓命有難易之不同此為近之然伏生倍文暗誦偏得其所難而安國定於科斗錯亂磨滅之餘乃專得其所易則又有不可解者 明文衡方希古雜著曰予讀書至畢命然後知周公之忠厚也

尚書二

增竹書紀年曰禹即位洛出龜是為洪範 文王世子曰冬讀書典書者詔之書在瞽宗 尚書緯曰孔子求

代之言也其文字各隨其世不一其體然大抵簡質淵
慤不可強通自立政而上非伊尹周公傳說之辭則仲
虺祖伊箕子召公其君臣相與往來告誡論說則堯舜
禹湯文武是也是以其文峻而旨遠自立政而下其君
則成王穆王康王平王其臣則伯禽君陳君牙下至於
秦穆公其辭則一時太史之所為也是以其文亦平易
明白意不過其所言 又九峯蔡氏曰按漢儒以伏生
之書為今文而謂安國之書為古文以今考之則今文

帝語經學上曰吾始以尚書為撲學弗好及聞寬語可
觀又曰俛寬千乘人也治尚書以郡國選詣博士受
業孔安國貧無資因為弟子都養時行賃作帶經而鋤
休息輒讀誦後漢書傳曰孫期字仲或濟陰成武人
也習京氏易古文尚書家貧事母至孝牧豕於大澤以
奉養遠人從學者皆執經壟畔以追之唐文粹昔太
宗因聽政之暇觀覽尚書謂侍臣曰朕每庶幾唐虞亦
思公等比肩稷契唐書崔仁師傳曰時校書郎王元

書得黃帝元孫帝魁之書迄於秦穆公凡三千二百四十篇斷遠取近定可為世法者百二十篇 尚書大傳曰子夏讀書畢見夫子夫子問何為於書對曰書之論事昭昭如日月之代明絜絜如星辰之錯行 孔叢子居衛篇曰子思年十六適宋宋大夫樂朔與之言學焉朔曰尚書虞夏數四篇善也下此以訖秦誓效堯舜之言耳殊不如也 前漢書傳曰歐陽生字和伯千乘人也事伏生授兜寬寬又受業孔安國寬有俊才初見武

既罷並賜緋魚 又曰盧碩以洪範篇書於縑素為章

以奏之 太平御覽唐書曰文宗纂尚書中君臣事蹟

命工圖寫於太液亭朝夕觀覽 宋史傳曰崔頤正封

丘人真宗訪達經義者李至以頤正對翌日召見於苑

中講尚書大禹謨賜以牙緋 又曰丁度字公雅強力

學問好讀尚書嘗擬書命十餘篇 又曰楊安國字君

倚孫與馮元薦安國為國子監直講并召其父光輔

至仁宗命說尚書光輔曰堯舜之道遠而未易行願講

度注尚書毛詩詆孔鄭舊學請遂廢詔諸大儒議博士
以下不能詰河間王孝恭請與孔鄭並行仁師以元度
不經條不合大義者奏之元度報罷 文獻通考安國
古文尚書至晉齊間始顯唐孝明不喜古文以今文易
之 太平御覽唐書曰開元中宋璟嘗手寫無逸為圖
以獻玄宗置之內殿出入觀省成誦在心每歎古人至
言後代莫能及 文獻通考唐舊紀曰穆宗即位召侍
講學士韋處厚路隋於太液亭講毛詩關雎尚書等篇

左氏春秋公曰左氏多權詐駁而不純尚書孔子載聖賢純一之道願留意焉章宗善之曰純儒之言也 元

史元明善傳曰明善字復初為翰林直學士仁宗詔節尚書經譯其關政要者以進書成每進一篇帝必稱善曰二帝三王之道非卿莫聞也 吾學編宋濂傳曰濂字景濂浙東浦江人己巳正月太祖御端門論黃石公三畧濂對曰尚書典謨帝王大經大法靡不畢具願陛下留意 明紀曰洪武二十年二月太祖親注尚書洪

無逸一篇時年七十餘矣而論說明暢帝悅 又曰豐

稷字相之哲宗幸太學命講尚書無逸篇賜四品服

又曰張處字子宓兼吳益王府教授改兼莊文府講毛

詩終篇乞以所讀諸子改讀尚書帝曰吾固以詩書成

麟趾之美也 文獻通考陳氏曰晦菴於書獨無訓傳

每謂斷簡脫文處不可強通晚乃屬之蔡沈 元好問

耶律履神道碑曰章宗為金源郡王以公該洽每以經

史疑義為質公承問請曰殿下注意何書章宗曰方授

東陽字賓之四歲舉神童六歲八歲兩召見講尚書大

義

尚書三

原帝書 王制

春秋說題辭曰尚書凡百二篇第次委曲尚者上也帝王遺書也 孔安國尚

書序曰先君孔子討論墳典斷自唐虞以下訖于周舉其宏綱撮其樞要凡百篇示人主以軌範也帝王之制

坦然明白

三家 百篇

劉歆七畧曰尚書直言也始歐陽氏先君名之大夏侯小夏侯復立

于學官三家之學于今尤為詳 孔安國尚書序曰先君孔子睹史籍之煩又懼覽之者不一斷唐虞以訖于

周典謨訓誥誓命之文凡百篇

授河 出洛

孝經援神契曰易長于變書考命符授河宋均

範成命贊善劉三吾序其後 野記曰太祖以尚書咨
義和惟天陰隲下民二處蔡沈注誤命儒臣改正為書
傳會選刊示天下學者 又天順元年禮部請皇太子
出閣讀書上曰且讀何書李賢對曰宜先大學尚書上
曰書經有難讀者賢對曰如二典三謨太甲伊訓說命
諸篇明白易簡可先講讀 吾學編岳正傳曰正字李
方進士及第王忠肅公薦其有宰相才召對文華殿問
讀何經正對曰尚書曰是書經尤善 明詩紀事曰李

書曰尚書者帝者之寶範臣軌
粲然譯為國語朕便于觀覽

憲度元良

姚鉉唐文粹序

曰書之典有典謨之憲度焉
程敏政明文衡後序曰典謨訓誥虞夏商周之元良也

得西州

藏孔壁

後漢杜林字伯山于西州得漆書古文尚書一卷常愛之衛宏徐邈皆受林學出古文示

宏等曰林流離兵亂常恐此道遂絕何意衛子徐生復能傳之是斯道竟不墜地古文雖不合時務然禮失求之于野古文不猶愈于野乎顧主無晦所學古文遂傳于世下詳初學記

斷唐虞黜

丘索

上見一元文類表枸策問曰孔子刪述自唐虞二典以迄于周文侯之命附以費誓秦誓而三墳

八索九丘皆

寫太液

列通英

上詳二玉海仁宗初建通英閣書無逸

于屏書縑素

刻琬琰

又曰盧碩以洪範篇書于縑素為章以上之又曰乾道七年

注曰授河者授河洛以考命符也 尚書曰天
乃錫禹洪範九疇孔安國注曰天興禹洛出書 直言

證義

上詳三家注 劉歆七畧曰詩以言情情者信
之符書以決斷斷者義之證以上俱初學記

增界似

觀周

東京賦曰洛書界似 隋書經籍志
曰孔子觀書周室得虞夏商周四代

之典刪其善者上自
虞下至周為百篇

溫純

淵慤

揚雄解嘲曰典謨
之書雅頌之聲不

溫純深潤則不足
烈而章緝熙 下見上

七觀

十例

上見一
海書為例有

十曰典謨貢歌
誓詒訓命征範

始旦

中天

高士廉文思博要序曰
虞夏之書猶旭日之始

旦 邵雍曰唐虞
其中天而興乎

元龜

寶範

唐書崔植傳曰初穆
宗問貞觀開元治道

植曰宋璟嘗手寫無逸圖以獻臣今願陛下以無逸為
元龜 元文類董府君神道碑曰公諱陞從幸上都詔

孔安國尚書序云夏商周之書雖技教不倫雅誥與義其歸一揆注云雅正也與深也

垂世立

教

又云討論墳典足以垂世立教也

弘道示人

又曰典謨訓誥之文所以恢弘至道故歷

代寶之以為大訓按此書多錄正事堪為國訓家之軌則故曰大訓以上俱北堂書鈔

義府

趙

曰邵毅敦詩書詩書義之府也

雅言

論語子所雅言

伏生傳授

漢濟南伏生年過九

十失其本經口以傳授

孔子訓傳

孔安國作傳其序曰研精覃思博考經籍

反魯

之刪

仲尼自衛反魯刪書

暴秦之刻

秦刻古文

臯陶畧而雅

周

公煩而悉

蜀志或怪諸葛亮文彩不艷而過丁寧周至時議以臯陶大賢周公至聖考之尚書臯陶

之謨畧而雅周公之誥煩而悉則臯陶與舜禹禪周公與羣臣誓故也亮所與言者皆衆人凡士故其文旨不

正月出敬天圖示輔臣上曰朕自取尚書所載敬天事
編為兩圖朝夕觀覽名之曰敬天圖虞允文奏願頒此
圖刻之
玃玃 武成三策 秦誓一篇 孟子曰吾于武成取
二三策而已矣 陸

德明經籍典文曰漢宣帝太
始中河內女子得秦誓一篇

尚書四

原二帝之迹三王之義

春秋說題辭曰尚書者二帝之
迹三王之義所以推明其授受

之際也又曰明天
地之情帝王之功

垂文象布節度

尚書璇璣鈴曰尚
書篇題號尚者上

也上天垂文象布節度書
也如天行也摘總載補此

古之號令

漢書藝文志云
書者古之號令

號令於衆其言不立具則聽受施行者弗
曉古文讀應爾雅故解古今語而可知也

雅誥與義

欽定四庫全書

卷一百九十二

傳曰高郢子定七歲讀尚書湯誓問郢曰奈何以臣伐君郢曰應天順人又問曰用命賞於祖不用命戮於社

是順人乎

帝魁之書

見上

孔惠之藏

隋經籍志曰初漢武帝時魯恭

父不能對

王壞孔子舊宅得其末孫惠所藏之書字皆古文孔安國以今文校之得二十五篇其秦誓與河內女子所獻

者不

執經壘畔

見上

講經澤中

後漢書傳曰揚倫字仲理師事丁鴻習古

文尚書為郡文學掾遂去職不復應州郡命講授於大澤中

任昉一篇

南史傳曰任昉得一

篇缺簡劉顯曰是古文尚書所刪逸篇昉檢周書果如其言

蘇威一部

隋書傳曰蘇威字無

畏五月五日百僚上

詰屈贅牙

見上

文從字順

元文類吳

饋威獻尚書一部

徵四經序錄曰增多之書皆文從字順非若伏生之詰屈贅牙

想見三代

蔡沈呂刑注曰呂刑

得遂
志也

藏之書府 治以學官 義軒之化必在修文

虞夏之書所宜立學 天之將喪焚棄於秦坑 道

之既行啓發於魯壁

以上白帖

純元敦厚書教也

淮南子

增卯柳

吳志虞翻傳曰翻奏鄭玄解尚書違失事目古文篆卯當讀為柳古柳卯同而以為昧分北三

苗北古別字又訓北猶別也又言所注五經違義尤甚者六十七事不可不正

頗陂

唐書藝文志曰

玄宗以洪範無偏無頗為不協韻改為無偏無陂

掌外史

周禮外史掌三皇五帝之書

在上庠

見上

質而文

權德輿荅楊湖南書曰君牙畢命罔命之篇皆質而文簡而誠含章

而不流

峻而遠

見上

補湯征

又曰白居易補湯征一篇

讀湯誓

唐書

階五緯於上聖人著三墳五典於下至哉
文乎天人合應名數指歸之大統也乎

精神心術

之所寓

明文衡周叔伏生授經圖贊序曰使非漢文求之伏生授之天下後世貿貿焉莫知聖帝明王

精神心術之所寓

讀伊訓有省

金史傳曰辛愿讀書至伊訓若有所省欲罷不能

於金滕致疑

明文衡王康迂論曰予讀書至金滕反覆詳究疑其非古書也使周公而然非周公

也

堯典揭第一之義

蔡沈堯典注曰首以欽之一字為言此書開卷第一義也

秦誓列百篇之末

胡安國春秋傳曰仲尼修經列秦誓于百篇之末以見悔過能改而不責

人雖聖賢詰命不越是矣

尚書五

一篇哀矜惻怛猶可想見三代忠厚之遺意

學詩之始

林氏曰舜典皋陶之賡歌三百篇之

推輿也學詩者當自此始

制辭之原

蔡沈說命上注曰後世史官制辭其原蓋出於此

經傳宗祖

宋史何基曰大禹得洛書而列九疇箕子得九疇而傳洪範範圍之數不期而暗合洪範

者經傳之

綱目祖父

明文衡劉定之宋論曰資治綱目者尚書春秋之子孫尚書春

秋者資治綱目之祖父也

三章之詠

玉海祥符七年七月辛亥作尚書詩三章

四代

之圖

又曰仁宗時樞副范雍繪尚書四代之圖進之以備中覽

齊語誰禁

明楊維禎伏生

授經圖詩曰扶書嚴禁禁未開盤詰誰能禁齊語

秦焚不到

文翔鳳伏生墓詩曰秦焚不到

書生腹孔壁重歸女史環

名數指歸之所統

蕭穎士為陳正卿進尚書表曰太極列三

古史記言之職古之王者事總萬幾發號出令義非一
揆或宣威以肅震曜或敷和而散風雨絲綸之動不可
不慎也勲華揖讓而典謨起湯武革命而誓誥興先君
尼父芟煩亂而剪浮辭舉宏綱而撮機要上斷唐虞下
終秦誓時經五代書總百篇探翡翠之羽毛拔犀象之
牙角巍巍蕩蕩無得而名郁郁紛紛於斯為盛

御定淵鑑類函卷一百九十二

原詩唐太宗尚書詩曰崇文時駐步東觀還停輦輟膳
玩三墳留燈披五典寒心睹肉林飛魄看沈湎縱情昏
主多克己明君鮮滅身滋累惡成名猶積善既承百王
末戰兢隨歲轉

增贊明周叙伏生授經圖贊曰大哉聖道寓諸六經煌
煌尚書實統厥成秦滅漢興斯道幾晦展也伏生爰際
其會心惟口誦以教以傳晁錯之受漢文之賢

增序唐孔穎達尚書正義序曰夫書者人君辭誥之典